

百  
城  
煙  
水

百城烟水卷之三

吳江 徐崧

長洲 張大純 輯

長洲

本吳之長洲苑唐萬歲通天元年析吳縣地置與吳縣分治郭下乾元二年置長洲軍大曆五年復爲

縣屬蘇州五代宋元門 清仍

徐崧宿東城似張曾餘孝廉幾覺東城夢芸芸曉復然村莊輸稅急市鼓報魚鮮老屋三樵徑

寒谿一釣船金門雖足貴爭似著書傳辛酉冬日東城苦雨一秋終不雨十月雨偏零望野溪雲白

凭欄壁蘚青無衣詩自賦乞米帖誰聽杳杳孤飛雁哀鳴度遠汀

新學在郡東城

志云縣南有孔廟邑令王禹偁屬郡侯狀元柴成務爲記後無考

長

洲向無學宋景定壬戌因廣化寺基爲之

吳必大有禮堂記元至正中又卽長洲驛舍建孔

廟甚隘明洪武六年邑令張翔重修復時正記學

使戴珊輩復修嘉靖辛丑

詔毀寺之以非勅建考

以福寧萬壽

寺崇敞且僧侈宜改爲學按君舒汀主之十二月

迎祀孔子凡學校所應有者建悉備朱希周記萬

曆間重修康熙壬戌學博姚彥昭文焱募修韓彭

二太史及孝廉陸在新諸君共襄其事

潘江

送姚彥昭孝廉之官長洲司教三吳名勝藝林傳畫舫看君去似仙地是昔年遊屐徧書

從廿載國門懸戴憑經席應分坐  
章並選錢鱗洲張最喜到時多  
舊雨黃鶯聲裏土  
歌孫枝蔚同履菴雪客過飲彥昭先生齋賦贈君  
船家易識復難忘記入龍眠對鴈行客座  
樽深如北海公車業富似東方  
論才合並鹽梅味  
知命翻憐首宿香何以裁成諸  
弟子吳中不少狀  
元姚文焱辛酉秋次酬孫豹人渭樹江雲念不忘  
坊蘇臺忽覩鴈成行我慚官冷無三絕君  
尚飢驅走四方簪盍真如萍梗  
聚樽開還對菊花  
香故園記得追遊地步屨相過  
隔一坊冬日次荅  
徐麗菴泮水蕭蕭葑水邊門堪羅雀少廚煙生徒  
幾見探奇字司業誰曾送酒錢  
幸有徐陵攜杖入  
何時孺子對牀眠一編搜得山  
川秘徐松  
冬奉贈  
不朽才名覺汝賢補賦姓誦鍾之  
彥昭先生芹宮遊近東城邊森森古木生寒煙紫  
霞映戶却如綺黃葉滿庭難作  
錢昔日蓮花曾象  
顧今朝首宿誠龍眠年饑聞  
道救荒暇高詠細論衡俊賢

文星閣在新學東南萬曆己丑陳邑侯其志築臺高

二丈八年江邑侯盈科倡建閣有太史徐顯卿新建文星閣記至萬曆壬子及崇禎癸酉重修又有孤竹韓原善太史陳仁錫兩碑記入 清順治年間鄉貢進士吳愉文章品行爲士林冠冕執經問業者戶屢常滿弘獎後進每月朔望聚諸門人課文於閣中先後掇科第者甚夥及愉秉鐸高平己亥進士彭瓏致仕里居繼主其事生徒日衆講習益勤自是文星閣之名復大著康熙庚申繆殿元彤重修彭會狀定求復募建朝元閣時習堂規模弘整實郡城人文之勝地云

吳适

（偕友登文星閣）高閣接文星招尋慰地靈交游頭半白尊酒眼常青逸思超三古雄才役

五丁但期良晤數何必數飄零程邑

（往返吳門話勝遊詩壇酒社足淹留臨風直上五成閣倚）

檻何殊百尺樓東壁圖書迥遠堞西山爽氣彭行逼高秋由來文物三吳盛夜夜祥光燭斗牛

先

（傑閣渺雲漢長峙城東偏傍城皆綠水繞閣多平田村墟荷鋤叟出沒凌寒烟僧寮似碁置鐘）

磬時冷然不謂闌闌中遂若別有天每攜二三子越陌更度阡幸無禮法拘瀟酒忘周旋登臨愜素

心眺望空八埏乘興聊倡和率意吳謔（登文星閣無雕鐫但愧乏清芬漫被人世傳）吳謔吳城東去

暫停橈一曲煙雲轉次寥木葉飛時村舍出剝竿倒處梵聲遙卽看粉堞明秋水長羨文星近斗杓

回首夕陽歸棹晚徐燁禧（春暮偕諸同人集文星閣時序當三月春光已涼生古渡漲痕消）

十分賞心頗不俗良友快多聞自得煙霞顧天朗趣長遶康鹿羣舞雩差可竝把臂共論文

前題（偶聚成佳會相攜作勝遊挑舍宿雨潤麥帶晚風柔嘯傲人間世登臨最上頭憑高堪縱日逸）

興饒 **吳愉**

前題葑水漾城隈鬱蔥佳氣來文星臨滄洲萬戶閣道值三台代是興賢日人推作

賦才素心晨夕共端不厭追陪文星閣中會諸子

文課文星遙拱五雲中閣上奎光想像同剪刈荆

榛來旭日栽培桃李待春風奇文共賞千秋業環

堵還欣一畝宮英少只今誰獨步品題殊自愧宗

工 **楊瑄** 戊辰春舟泊吳門同友人登文星閣城隅

到霄漢捲簾長可摘星辰千年俎豆威儀肅三月

鶯花氣象新猶有名山異書在劍光遙燭斗牛津

**彭瓏** 王戌上元日麗菴到文星閣有詩奉和星文

門傳燈欣繼照載筆喜朝元詩老觀光及亦復例

詞源清和望日麗菴復到閣下同觀會課有詩守

先待後愧衰年敦學無奇望九天化雨洪纖觀品

物心燈斷續驗爐煙羹藉既見當由聖藥石頻施

敢獨賢共詫毫光騰閣 **彭定求** 孟夏望日同人會

頂文芒直上接星躔 課文星閣下麗菴

過訪賦此索和次句講藝再驗年又值清和化雨

天畫永綠陰濃入座香霏彩管細含煙豈同標榜

馳名魯長託羹牆近聖賢詩老姚文焱和臞庵贈

不辭頻紀勝熙時星聚正東臚

梓閣中會課諸士之作層層高閣與雲連俯瞰三

吳數點烟星聚光芒通帝座文成氣象接奎躔門

前流水心無競雨後菁莪色更鮮我

媿擅寒疎彥會傳經難比老彭賢徐崧壬戌上

星閣訪雲翁訪濂太史橋梓

交雲起文星出便蕃我遊香水海君作聖人門瑞

靄凝南極燈光徹上元彭錢今復見壽域有翁源

孟夏望日過訪彭雲翁訪濂太史於文星閣下時

同人文會濂翁有詩見贈次答堂堂振德盡英年

題鵲破鵲鵲之况又微言出性天詩

卽境自心林共水維時從物雨和烟一家作述希

先聖四海交知擇大賢舉首仰看奎壁顯少微何

亦近張大受雨中登文星閣干霄高閣聳冒雨勝

東躔張大受遊稀苔滑全沾屐展雲橫半濕衣飄蕭

幡影暗滴瀝磬音微水落疑奔潤魚游誤上磯亂

紅花片急濃綠麥苗肥百雉街斜照千林散碧霏

斗杓光欲動

願得借餘暉

萬壽庵在新學東獅子口明嘉靖間廢寺爲學移建

更名庵

有侍御凌漢神記僧真果移此其辭山口占云疾忙收拾破袈裟檢點行囊無半些

可憐樹上新巢鶴辜負籬邊舊種花袖裏白雲歸洞口杖挑明月到天涯分付大猫隨我去莫教流落俗人家後鷲峰覺圓繼之至蘊輝復與今均遠能詩予霖善話爲庵中之秀

姚士覺

萬壽庵和耀庵先生韻倚郭偏能靜師林帶小溪短碑荒蕪積叢篠淡烟迷帆影到

門亂鐘聲出樹低老僧思往事指點泮宮西

姚士廣

前題竹裏一庵靜羣鴉古樹棲繞城

陽水長隔巷土牆低地改前朝址名從昔日題老僧能話舊坐到夕陽西

張燦然

福寧初廢

後精舍徙城邊隔岸鐘聲接當檐堞影懸鳥棲殘雨夜魚泳落花天處處安禪得何須悵昔年

張

大受

同耀庵先生過萬壽庵示予霖上人却喜精藍近還存舊日名開非禪月記鐘是福寧聲

細路烟橫樹清溪月傍城遊人延佇久懶散一僧迎

張志鈺

同張宿昭萬壽菴習靜無心懷

舊地是處可安禪梵語禽聲和溪花草色連小樓  
齊雉堞一榻臥龍泉更喜同張仲春風坐悄然

釋然滋萬壽庵和宿照廢寺開齋序新基闢鵲峰  
溪環尊者舍樹遶梵王宮雲雉連朝堞霜

鯨吼曉鐘須知無  
量壽只在萬緣空

東禪寺在新學東南吳赤烏間陳丞相因池中捨宅

建名鎮國院唐大中間勅改東禪明覺寺元至正

間燬洪武間重建內有林酒仙像卽宋異僧遇賢

也

梅珣贈林遇賢出入常携一古藤三衣粗重貌姚  
稜憎紅塵酒滿何曾醉知是僧中第幾僧姚

士覺同雁庵先生過東禪寺茂苑城東古剎開凄  
婁滿目半蒿萊門迴玉帶河流急地接文星

閣影來花雨欲飄新講席烟霞猶護舊香  
臺金輪自古無消歇紅豆依然石畔栽姚士廣

前題古剎蕭蕭對木邊每因地近往來便牆散荒  
址堆殘葉岸繞寒流泛暝烟雲淡似同僧意懶月  
孤如與客心懸同若話舊張燦然同履翁過東禪  
殊岑寂沉醉令人憶酒仙張燦然贈林酒仙像東  
郭招提傍水汀隨君幾度破苔庭棋街若個能拋  
就醉像何年得喚醒石曰吐封堪服七袈袈帆挂  
好揚舲辟支不似今時張大受同履翁過東禪間  
衲背地中宵倒醉醒隨徐孺叩禪扉綠  
樹陰深翠滴衣石上棋殘柯已爛壺中酒盡錫僭  
飛花開紅豆驚棲鳥堂廢清溪剝落暉聞有魚蝦  
傳異跡那堪釣叟上寒磯

寄葉庵在婁門內東麒麟巷康熙間釋等輪改宅建

鄭孝廉敷教金高士俊明爲記

輪字善達蘇州人  
祖父世居此地雖

市井數椽常以一龕供佛往來緇素入其室者咸  
生道心輪數歲卽投寶林履米法師出俗改宅爲  
庵後得法于岸帆際禪師稱臨濟三十四世母年  
七十亦披薙爲尼侍奉同居時有畸人唐老者青

齊間人通禪理來隱于吳三十餘年少許可獨稱  
寄葉上人不置嗟乎人之寄此生于兩間猶叢林  
一葉也可不勉哉庵前臨流水  
後瞰原田規畫方恢正未有艾

**徐崧**

寄葉善達禪師發願起嚴延允持法師演法  
華過訪有贈擴宅為蘭若禪林出一枝巷偏

流水近門曠夕陽遲養母心能了談  
經句合知法華如轉得會見葉如滋

**山塘自大津橋**

俗北渡僧

**下塘至虎丘延亘七里古名白**

**隄其水唐刺史白公樂天所鑿**

**葉襄**

齊份人招同曹秋岳申霖臣徐松之集姜如  
須山塘小隱分韻繫纜青溪上街杯草閣間

槎枒荒樹老慘淡凍雲斑客盡東南轍  
人逢大小山大涯鉦鼓盛相對一開顏**潘陸**

十月朔山

塘同李研齋梅竹司毛蓋臣徐松之看無祀會吳  
趨人好鬼風俗自年年百戲陳通國羣神冠進賢

氣暗秋雁後花晚嶺梅先  
不斷山塘路香飄遊女船**徐崧**

八月十七日山塘遇楊亦康尤尺威

斜照

我適山塘寺君歸閭闔城回頭驚忽遇携手喜同行  
古樹清風起勞人白髮生相逢還欲別日暮不勝情  
十月朔山塘同研齋杓司蓋臣江如看無祀會分賦  
蕭瑟冬方始迎神出郭門逢橋行愈密倚棹看何喧  
鼓吹還終日旌旗又幾村誰當無祀祭能不感蘋蘩  
壬寅十月朔遇青印禪師看無祀會霜落今朝始山塘  
忽見君故交殊寂寂遊舫自紛紛馬足寧堪近笳聲  
不可聞何如楓葉下臨水坐

白椎庵在鴨脚浜初名清照明萬曆間湛明法師建

文湛持太史爲書晉生公放生處更今名湛之徒

聞照傳衣蒼雪繼住順治末聞之徒雪鄰傳衣玄

道住持

顧夢游

過白椎訪聞照上人秋尋隨小艇木盡到山家竹氣暗晴日楓林明夕霞一庭堆落

葉何代種梅花供客  
**徐崧**過白樵遇曉庵同雪鄰

無他物香生雪色茶  
精舍似山家綠溪石徑斜炊烟連暮靄隴樹隔晴

霞村暝門初掩籬秋葉不遮何期支遁過設茗對  
燈花雨阻白樵同曉庵雪鄰觀日作我道隨行止

安心卽故鄉烹泉鑪宿火禮佛神焚香路淨飄黃  
葉天陰望夕陽來朝分手去祇恐客衣涼再宿白

樵贈雪鄰復此鳬溪宿精藍不覺深禪燈懸佛面  
秋月見天心露冷松俱濕烟迷磬欲沉知君方肯

構幾度抱寒衾雪鄰掩關白樵書華嚴經賦贈知  
君持誦六花下掩禪關開卷一心靜揮毫盡日閒

自應遊注海何止鎮名山重到鳬溪冷柴門落葉  
間白樵候晤含光法師聞說談經世所稀因緣何

事與時違知君寄跡重相訪暮雨霏微尚未歸  
**釋照瓊**徐履庵先生過訪白樵留宿賦村居曉寂

高談忘夜漏幽思在寒燈  
穠勝知君徧追隨愧未能

**樂橋吳赤烏二年建元至正六年李道寧重修會稽**

楊維禎記

徐崧

丁巳答訪定九先生不值有作聞君來茂苑未識主誰家夜暖烟凝巷朝晴露濕花十年

書札久千里客程賒無奈相逢日春風雨鬢華已未春宗梅岑醴陵橋梓邀飲寓樓篋裏芙蓉集無人每獨吟夢當春雨夜遊共歲寒心遠客翻爲主初晴尚帶陰何期纔把臂相勸酒杯深宗元鼎已未春松之以詩過訪次韻共說金閨好羈愁獨憶家晴泥還滯屐雨氣欲蒸花烟木人初到旗亭酒可賒天涯逢我輩切莫負春華

正修講院在虎丘東崇禎末吳縣令牛若麟生祠順

治初爲陸履長孝廉垂簾處今額正心書院

陳三島

同松之過履長孝廉卜肆孝廉能大隱旅次一僧寮卜效君平肆詩吟斟酌橋松花

沾野服榆葉酒空飄風雨何人至同過話寂寥

徐崧

同鶴客過履常明府卜肆烽火驚方息絃

歌責已虛無家亡已欲去髮號庚除水店花村近  
山祠酒客疎爲將忠孝意閒論及樵漁辛亥中秋  
祠中遇友人自爲牛公建先賢列講臺垂簾何處  
去賣藥有人來海湧月猶好山塘花正開喜逢知  
已在掛笠  
共徘徊

### 普福寺在山塘宋淳熙間僧文誠建

徐崧

辛亥中秋同青印無依兩禪師過普福寺訪  
法鏡禪師流覽當佳節悠悠聽此身廢興千

載寺來往白堤人壁映青霞紫庭飄  
細葉新無端成邂逅杯茗亦良因

### 青松庵在葑門內天賜莊一名慈航庵順治十六年

建

釋無能北京人徧融大師所度徒也天啓六年  
自武林苦行埋屍徒世空衲心俱紹興人繼之

於吳之葑門結屋置航收瘞殍溺寒暑不輟每歲  
有功德簿以記其數自始至令將及萬計又無能  
之徒悅然寧波人順治己亥遂起大段悅然之徒  
不悅得法于費和尚之嗣古風其徒三解休函谷

純一函谷徒若愚蘇州人能詩  
純一徒斷疑寧波人監院事

徐崧辛酉秋日重過慈航庵因憶舊日同遊陳皇

響出松雲淺水城濠澗斜陽野汪揆同臞翁贈若

經分舊遊還憶得杯茗共陳羣愚上人一榻

禪棲靜慈航世澤重傳衣饒白足種樹老青松徑

傍城隅水僧歸月下鐘采葑應有意詩卷許過從

釋寂智癸亥夏松之異三兩先生在過次荅空谷  
鐘茶瓜應自愧何以慰過從

青松碧水明斜日閒雲度曉  
鐘茶瓜應自愧何以慰過從

關帝廟在臥龍街東宋淳熙間建初甚隘明弘治壬戌重修萬曆甲申

丙辰己未累修始大崇禎戊寅陳公仁錫  
倡增祭田清順治丙申康熙戊午又修

徐崧關帝廟訪李天木鍊師勝跡仙踪寄水涯道  
遙應是上清家壺中搗藥流明月鶴背吹簫

度紫霞著就丹書文最古傳來新詠句堪  
許偶居城市緣何幸幾度閒過話日斜

遠耀堂在葑門內織造府東明陳文莊公諱仁錫堂

名

順治初其長公太僕皇士諱濟生助刻詩南初集余常寓焉

陳濟生

中秋後五日招同人集遠耀堂桂花下分韻空庭秋色正紛披叢桂偏教憶故知敢

擬開樽齊北海相將作賦賞南皮花隨笑語聞香細人傍琴書待月遲還憶小山共招飲坐殘風露滿荒徐崧

同友人訪陳太僕皇士斜日片帆舒風生到郡初隔湖三十里經歲幾行書細

柳維輕艇高槐憶舊廬無窮懷友意相訪正踟躕

遠耀堂掩關詩爲皇士賦元龍天下士閉戶傍溪

流風月閒中伴山川夢裏遊著書蓬滿徑消暑竹

遶樓熱客無勞問相期在素秋寄懷陳皇士故人

百里隔春波寧識思君有夢過空館夜深清露濕

荒村天遠白雲多花含煖雨皆如醉鳥踏芳林獨

似歌繾綣欲期相見日溪邊當看貼新荷十月初

旬聞陳太僕皇士歸葬山中苦未能送詩以饒之

當年太僕愛垂綸滿目風波聽此身感遇忽驚崔

浩史悼亡又喪武陵人須知峻節難標榜那許高

名易隱淪不覺憂傷頭遂白漫同弱草墮輕塵又  
冥漢君經二十秋蕭條葑水斷羊求衣冠舊像功  
何在忠節遺詩禍已休席上琴樽誰譙賞山中花  
月罷邀遊遺孤聞道能成立今日方歸土一丘

無夢園在孔夫子巷陳太史芝臺諱仁錫公別墅其  
自署齋聯云流水之間心自得浮雲以外夢俱無  
中有息浪見龍峰諸勝公有無夢園文集行世康熙  
辛酉次公爾興重加修築

徐崧

辛酉秋同重其過訪陳爾興於無夢園自別  
元方後相過廿載心愛才詩獨賞莊詩西施筆

話舊酒頻斟榻臥綠香水樓觀擁茂林  
昨宵尤可異先向夢中尋昨夢訪蘇文

依園在閭丘坊南顧逸圃宅後圃也中有一丘相傳

爲梁時妙嚴公主墓

逸圃爲松交銓部第七子年  
未二十風雅豪邁約同志金

亦陶侃潘雙南鏐曹德培基黃憲尹玠金筮文貴  
蔡右宜元翼訓唱往還曾子青蔡徐子蔡庵選其

詩付梓稱  
依園七子

徐崧

辛酉夏日同犀月過訪顧逸園留飲夜宿依  
園誰似依園裏猶留勝蹟妍有妙藏吟能通

七子飲便集羣賢愛月庭中坐看花石上眠才高  
情爛漫羨爾正青年又始過隨留宿禽鳴曉夢餘

林深迷霖雨晝永弄琴書剝啄門頻啓俞瑒同徐  
蒙茸草不除木瓜纔纍纍誰爲報瓊琚臞庵

道長過訪顧逸園依園與諸同人月下雅集二首  
握手探幽勝芳園散晚涼主人真好客四座半他

方寶劒橫空照清琴映月張披襟共歡譁都覺世  
情忘又涼月照層軒淡深靜不喧幸懸孺子榻同

醉辟疆園竹露滴苔砌梧陰生顧嗣協依園雜詠  
粉垣明朝暫須別雙鯉莫舞煩之二自得

貧居趣簞瓢亦可安客逢無揖讓性懶畏衣冠窓  
月生詩思庭花助酒歡近來差免俗種竹一千竿

又一定容高臥推窓面面開庭閒知晝永心靜覺  
風來竹影低水簾桐陰落酒盃片雲消暑盡更喜

報輕  
雷

德慶庵在利字圩天龍庵後元至正間釋建建後  
廢天啓元年重建順治辛丑延濟宗石庵禪師居  
之安觀察世鼎助資修建師於康熙丁巳繼席福  
嚴辛酉春復退隱焉

徐崧

丙辰八月十九日過德慶庵略約當門識者  
稀利竿隱隱帶朝暉來過雨後仍秋熱留我

香齋一解衣廿二日宿德慶庵贈石庵禪師十年  
瓶錫隱城東禮佛栽田自古風豈是知希爲我貴  
靈機不落

見聞中

文殊菴在芙蓉涇東岸

歲字圩

萬曆間釋東明曉開山

先是只觀音堂一進虎丘萬  
佛閣直香燈僧始居於此

陸某建文殊殿

陸氏  
小溪

三次朝五臺未得至故發是願  
天啓壬戌丘靜舒復建華嚴殿  
即天  
民之尊人別號仰  
村後入鄉賢祠  
康熙丙辰募修里人倪彤文爲

疏

倪煒

辛酉秋同耀翁過文殊庵訪自公路出蓉江上精廬此處幽故人同散步老衲話離愁觸

目蒼簑色驚心紅藥秋徘徊初地久不覺日西流

徐崧

文殊庵次古栢上人夏日村居韻憶

昔高僧有鳥窠如君寄跡隱林阿雲開野樹惟山入夜靜漁舟載月過問法只須吹破衲種田畢竟有良禾偶遊虎阜來經此閒向薰風共嘯歌

惜字塔院康熙己未石樹岳禪師遺資唐邢若助置

卽王府基西天王堂左從舍也

徐崧

文字令利塔詩贈石樹禪師吾道憑文字浮圖行不虛香雲生落紙寶月吐殘書幸不焚

螻蟻還應檢盡魚鑽蓮花發處舍利自如如又風  
流雲散蹟堪哀般若文光現紙灰陸地生蓮能不  
著始知鐵唐景宋同臘庵過惜字塔院作精藍寶  
樹亦花開友志存身死後即今言踐事成時籠中具惜文章  
貴火裏能全物命慈魂魄自然安此地更將宰堵  
築於斯

臥雪齋一額霜哺在葑門上塘新造橋西袁重其養

母處

范允臨

臥雪高踪不可攀臨池塚筆漫承歡陳仁  
聊將現水供甘毳寫盡芭蕉葉未乾

錫

孝哉袁子弱冠形癯室既如磬甕亦無儲以硯  
作田以管作鋤朝種暮割一米一珠背負手攸

時慰倚閭歲安相過雪滿魏浣初匪為翼兩雛寧  
吾廬豈惜呵凍喜為爾書辭殉一死詩書

方自勗日課數十紙食吳偉業被髮提壺痛昔年  
報竟於斯白頭慰所倚伯通廬下五噫篇

獨憐此夜悲霜苦  
強著斑衣戲母前

佛華禪院

本高氏園

在采雲里北冶坊浜內順治辛丑立

墓剖禪師開山

因西逝後將欲別售

康熙十年印先禪師置

建

卽剖和尚手度弟子

癸丑鼎建大殿甲寅建兩廂客堂及

山門廚庫乙卯建齋堂菜園等寮今又將建韋馱

殿大悲寶閣安禪說戒以續天山之正傳李侍御

模手爲題疏云吳趨善友現給孤身歸汶陽之田

印先禪師披堅固鎧建寶王之刹立已倒之刹竿

恢不終之緒業爲實錄云

孟亮揆

過佛華庵和壁間韻贈印先大師百折香嚴地當門一水通山添螺髻翠花映佛燈

紅秋老風塵外人來梵唄中無生誰共話揮塵有

支公又雙樹依然在重來感歲華修篁穿仄徑殘

芟漾明沙法座晴飛雨山門晚宋寶穎廬庵道兄

帶霞迎陵如可問塔下湧曇花索贈佛華

印先大師詩和孟官諭韻五葉開花處門前法水

通蘭金不待布雪火自然紅佛坐雲山外人來冷

淡中清言得二仲妙義繼生公又寂寞南州老相

逢話佛華客來安漢被僧去現河沙破屋飛桐葉

殘香漾晚霞與君他費密佛華禪院過印先大師

日訪明月映蓮花烟封野市壓琳宮請得

盧能手種松晚食自依藤徐崧癸亥冬過佛華庵

杖立樓臺無數夕陽中贈印先大師兼似

戒燈諸開士冬霧朝暉暖復晴揮鋤老衲帶雲暉

野田何處齋鐘起松栢林邊現化城又焚香禮佛

掩禪扉曲徑殘園到者稀閒坐釋同揆次廬菴居

芙蓉亭畔石方塘一片竹林圍士韻似佛

華印先大師藤梢橋刺半陰晴石罅開田鳥雀暉

倚仗梵天飄法雨白毫光滿闔閭城又靜掩松溪

白板扉苔痕鶴跡客來稀欲知

挂拂經行處屋角梧桐大十圍

圓妙觀在宮巷北初自晉咸寧二年名真慶道院

李選

知常在內焚修復其後

唐玄宗二年更名開元宮欽賜內帑

重修

建中閒住持張誠德與陸龜蒙結方外友

宋祥符五年賜額天慶

觀

勅李志昇爲左階道錄主之賜內帑建東西南北四廡壁繪三十二天宮勝景王侍宸屢奉恩

詔王禹偁有記徽宗宣和七年頒賜崑山縣全吳等鄉良田五十頃充天慶香火田御書有著內侍

朱彥真銘宜朕意云云至高孝兩廟張皮崔步雲置莫月鼎何蓑衣相繼太揚道法建炎兵

燬紹興十六年郡守王煥重建淳熙六年復燬郡

守陳峴復修

年嶺有重建三清殿及三門碑記

寶祐景定間住持

嚴守柔蔣處仁重修元元貞元年改賜今額羽士

嚴煥文張善淵又修

時左轄朱文清大施捨觀遂甲吳中

左有玉皇

神州五路天醫真官真武三元梓潼張仙三茅機

房關帝東嶽酆都十王淨樂等殿右有雷尊五雷

觀音三官八仙靈寶轉藏等殿後有蓑衣賢聖高

真方丈等殿

東廡有通神庵爲蓑衣何真人所居常顯靈跡宋孝宗召赴行在賞賚甚

厚淳熙三年左衛道錄李若濟奉命建亦御書額

其所轄基周廣五百畝

至正間觀又燬明洪武初清理道教爲正一叢林

置道紀司

舊有宋孝宗御書金闕寥陽額之三清大殿爲習儀祝釐之所

宣德間

殿廡漸次修建羽士張宗繼募建彌羅寶閣

供禮玉皇

正統三年周公忱况公鍾因旱禱雨於觀有驗首

捐俸委都紀郭貴謙鳩工市材衆助落成

胡深有記并請

賜藏成化丁未道士韓執中募建五嶽樓王峰李經

萬曆三十年閣圯其五路張仙淨樂鄧都十王高真轉藏靈寶八仙五雷等殿亦

廢順治初三清殿亦圯里人魯芳矢願募建請穹

窿施度師道淵經營成之并建雷尊殿天王殿吳偉

業有康熙丙午道紀陶弘化募巡撫韓公重建五

岳樓又募席氏及衆姓重建東岳殿四廡三十六

案七十二司金之俊甲寅年道淵復建彌羅寶閣

慕公首爲倡助施就兼衣道房供頓爲方丈畢力經營金錢雲集十四年

閣成巍然雲表觀中歷代所出有冠諫之王侍宸張皮雀莫月鼎步雲罡何蓑衣周

鶴林張洞元諸真舊有吳道士老君像唐玄宗御贊顏魯公書通神庵有宋高孝二廟問安書及金

字牙牌今  
皆不存

**徐崧**

壬寅六月十五夜同吳正始遊玄妙觀時施亮生度師祈雨恒雨昔既苦恒暘今更難干

人喧月殿十日炙雷壇道法非無驗天心未肯寬  
吾儕宜畏懼勿作冶遊看同王築品登彌羅寶閣  
歲暮過仙觀巍然寶閣雄燈光搖碧落香霧霽寒  
空迥出三清上迴看一郡中森羅都在眼誰不歎  
神**李貺**登五岳樓贈陶鍊師我亦名山愛臥遊楚  
工**李貺**烟吳水日悠悠紫霄倘有群仙下應在陶  
家五岳樓**朱陵**和雁庵登五嶽樓韻贈陶鍊師知已相  
岳樓**朱陵**看盡白頭自憐婚嫁尚牽愁得君攜挈  
閒登眺已富**陸來**玄妙觀贈陶鍊師杖藜何處覓  
名山處處遊仙桃玉洞飛花近市橋終簡書  
傳開石室步虛聲響接雲霄香生寶鼎丹初轉名  
列蓬壺路不遙讀罷黃庭佳客至星壇可許挂詩  
騁**徐秉義**陶鍊師東岳殿落成時當夏日索詩贈  
之誰似居塵不染塵壺中六月有水輪  
至今猶憶陶弘景**李聖芝**玄妙觀羽客閒談化鶴  
滿院松風不賣人年神霄惟藉玉爐烟星

壇藥竈依然在鍊得丹房後個仙又蔡經仙後日如梭可有松喬駕鶴過贏得滿城油壁亂靚粧來看步  
虛歌

育嬰堂在雷尊殿西卽靈雨壇舊址康熙十三年郡人蔣德埏許定升等憫窮民遺棄子女呈郡侯高公暉詳憲慕公丁公建收養遺孩月給乳母好善者迭司其事刻有出入彙記冊

陸堦

同徐松之遊玄妙觀育嬰堂堂構清幽掌籍齊盡將施捨姓名題書齋飯罷春光好閑與

高人一杖藜又發發朱魚水一泓何知海闊與天空可憐幾許嬰兒命總在諸君始念中

昭慶寺在大儒里元建其詳載虞集黃潛手書碑記後廢爲民居崇禎丁丑僧守素暨婁東黃翼聖購

復

黃承聖

復昭慶寺調寄天仙子慨自名藍當日廢

竹經營始愛憇十圍銀杏樹三四衲僧携供具

佛火經聲斜照裏茶烟翠映竹間房乘願力分明

是試看虞

王府基

偽吳張士誠所都之地

在臥龍街東

明初郡守魏觀即建府治高啓作上

梁文中有龍盤虎踞語太祖以啟宮詞有小犬隔

花空吠影夜漢宮禁有誰來之句欲加之罪乃罪

其文為不軌與魏觀同置大辟後移建府治於元

都水使署基故是基至今民不敢居閱野史士誠

最好文學開賓賢館招來俊彥至者如婦及其亡  
也自無一人死難藍田縣丞王澤哀之詩曰天星  
散落水犀軍又見蘇臺走鹿群睥睨金湯空白國  
倉皇玉石竟俱焚將軍只合田橫死義士寧無豫  
讓聞風雨年年寒食  
節麥孟誰灑太妃墳

徐昌穀

曾說集黃金山不作千年計枉費英雄

萬里心又城外旌旗蔽日塵賓筵歌酒自逸巡小

兒未有平淮捷慚愧園基晉室臣壯誠難續亦

難禁綺羅一把咸陽火猶是豪英慷慨心蠅蝨

盡李司徒引軍使城人輸情於土調解死

鼓樓前蔓草多夕陽騎馬下坡陀欲

談天祐誰堪問自唱西風萊葉歌

昔危樓綴炬焚三千歌舞化餘氛賜楊盡日啼春

兩睥睨連天起暮雲蔓草自荒丞相府故碑誰識

太妃墳只今父老兵戈

裏猶話徐常舊建勲

徐崧王府基東西堂憶舊

平朝露乍晞秋草短夕陽遙見晚山橫斜分巷路

人交走曲繞園畦菜獨生太息魏觀羅辟後至今

一片斷

汪撰和前題間向遺基感廢興西風野菜

柴荆繞溝塍牛羊晚牧爭枯草機杼霜寒

露遠燈地禁民厘偏傍市堂仍王額半歸

僧淮張滅後無千載不及吳宮剩廢陵

手成因長洲

竹堂寺

以竹盛名

在王府基東南宋將楊和王

名沂

別墅

元陸志寧為園居後捨為庵號大林

明初廢

有內侍

來得之宣德間弘此宗

滇南僧

奏為寺賜額正覺

地殆

百福暄祖鎮相繼

弘治吳寬正德徐源俱有記壁有唐寅畫達磨像并書贊

徐崧

過竹堂寺有感蔬圃青青半寺基老僧寥落屋傾欹和王別墅全無蹟陸氏高名久不知

水畔豈曾新種竹牆間應剩未殘碑

黃承聖

同徐空門盡道能消遣如此滄桑亦可悲

陳鶴客過竹堂寺荒頽西近故宮基不見前賢最勝時樹色映花頻置酒鶯聲和管共題詩名園隔

代成僧舍廢寺何人憶習池高士

張大純

同雁翁同來春正齋輕風淡蕩水連漪

覺寺步履尋春野寺邊楊和王跡已蕭然山光半入松麋粥鳥語空飄榆莢錢雨滴落花殘瓦外風

搖細竹刺碑前偉長莫話滄桑事故國銅駝正可憐

甘露庵在半塘普福寺東崇禎初僧徹如募建

初爲魏瑞

生祠魏敗長洲令宋繼發春令醫於富姓曹某靜起禪師繼之三昧律師

開戒於此康熙間彌邵法師住時藩司慕公建前

殿後閣甲寅歲慕公延風上禪師繼住濬池更建

廚房齋堂客堂

已未退院

淨起之徒觀成輩繼之建天

王殿壬戌道安和上憩錫

師餘姚鄭氏本名諸生有制義請選行世後出

家得法於林老人歷住諸

刹隱居京都二十餘年

徐崧

宿甘露似風上禪師寒宵一宿借雲窩途路遙應客過多却羨有人浮釣艇一天明月唱

吳歌乙卯冬日過甘露悼節在禪師山塘日落竹

屏開我至還應作賦才誰料拈棺終不道惟聞孝

子哭哀哀歸樹凋葉落北風涼甘露經冬曉有

霜須信非徒死水是家鄉甘露訪道

安法叔和尚喜遇齊輪法兄遇賢今復見過此一  
垂綸斟酌橋邊酒通玄劫外春鶯花由老衲風雨  
付行人誰是同條  
者當年共懸淪

海珠庵在半塘下岸康熙辛酉粵人簡麗初為澹歸

禪師建今其侍者東莞寄崖禪師憩錫澹歸原名金堡得法

於洞宗天然禪師壬戌八月九日歿於平湖陸氏  
園中歸骨廬山之棲賢簡麗初廣州東莞人萬曆

甲寅生與澹公同庚年七十癸亥二月  
月出家海珠乘戒華山四月四日歿

徐崧已未中元日半塘方丈贈澹歸和尚虎阜詩  
吳地山塘幾越人短垣穿古寺破衲老孤臣

得法聯歸隱論文不厭真釋今釋屢庵居士過訪  
回看三十載恍惚夢中身半塘有詩見贈

即次原韻蘭外無餘地蘆中得此人橫經長作客  
釣澤懶稱臣識浪山雲幻心空風雅真往來能自

信見影  
不疑身

衛道觀在新學北元初鄧道樞建

鄧蜀人以教法顯於理度兩朝宋亡

遊吳得上官氏廢圖築成名會道觀

明弘治中法師張復淳重建

祝

兆允明為記

嘉靖辛丑直指舒公汀遷長洲學於萬壽

寺形家言觀當學玄武為外衛邑令吳世良重修

更今名

嚴文靖公訥為記

康熙丙午法師周弘教重開山

擴建堂宇鼎建三清大殿東為東華堂申文定公

讀書處西為西華堂王太常時敏書額

鄭敷教有記先是堂

中有額曰可與弘教五十三代天師張洪任贈本觀法師周世德者後十餘年而周君興復院事恰

應其名或以為有先幾云

申時行

重遊衛道觀青蘊憶昔傍丹丘此日重來勝地幽別去不知金龜冷歸來仍伴赤松

遊螢囊照夜看猶在鶴馭乘雲逝不留  
漫爲朱顏求大藥且教白首臥滄洲  
**徐崧**重過

觀悼周雲岫法師五千傳後玄言盡誰與人問一

指迷月到講臺鐘漸歇春來仙院鳥頻啼白雲影

裏揮松塵翠岫光中曳杖藜今日**馬衍**訪友蓮法

重遊君不見洞房塵鎖草萋萋

**贈**我欲黃冠去頭顱已不堪可能無弄髮亦得假

星簪請法尋仙侶傾心候塵談只留看院鶴惆悵

返城**張幾**同熊焦占俞屏月過孫大來寓齋茶話

南**張幾**美君無累卽神仙暫借花官半榻眠方

外不關塵世事案頭惟有養生篇鹿蕉夢醒清鐘

曉花雨香分覺梵天攜得好茶常自煮客來不厭

泉  
汲春

**回真道院在懸橋巷宋咸淳二年**  
朝真**沈道祥建**  
初

鶴林周玄真居葑門外報恩  
派演十三房回真其一也  
**正殿崇祀玄武中肖**

**回道人像**  
傳道人過隔垣酒肆啖麵訖去歸院僨  
錢童子隨之忽不見仰見塑像麵猶沾

唇云

住持于自清與吳文定公寬善擬建一樓文

定手書望鶴樓額嘉靖九年詔毀淫祠于請有司

給帖得免隆慶己巳徒孫徐惟謹建樓

樓成果有羣鶴來繞

前為三元閣崇禎乙亥里人郭從儀建天啓癸亥

正殿圯羽士宋道隆重修順治己丑鄭秉中與其

師吳敏真弟孫世淳徒周弘教積貲重建正殿鄭

孝廉敷教有記康熙壬子弘教徒李允昇建斗母

閣

未竟而殂

弘教落成之乙卯又廊西民居建天倪堂

從屋廚湑皆備

李實

照周友蓮鍊師古聖沒已久三教多失真區區學步徒識者為酸辛吾善友蓮子心虔致

明神仙宮耀金碧海鶴棲松筠禱雨雨彌  
野催花花散茵期分洞天液會我同千春  
**申詒芳**

寄懷友連師餐霞子香案臣謫來人世苦埃塵蓬  
島覓伴不可得仙侶乃在咫尺之同真鬚眉鬢蒼

茂叔裔日若懸珠曼倩偷身披紫烟衣頭著華陽  
巾有時掩戶雲垂幙有時臥石花鋪茵醉我中山

千日酒不顧帝傍玉女與一朝鸞  
**徐松**前題欲與

在瑤京至兩人拍手大笑同飛身  
**蓮花**作主

賓瀛溪茂叔定前身紫霄鶴下山頭曉朱草花開  
谷口春扣石洞門穿月殿登壇風雨灌雷巾流傳

便是神仙事得  
**鄭霖**乙丑春同徐貞立訪友蓮師

道休疑隔兩塵  
**鄭霖**乙丑春同徐貞立訪友蓮師

徑鳥能語一爐烟欲然往還惟野雀結  
拜有池蓮頓覺煩襟釋投詩贈列仙

# 荷花蕩在葑門外二里其東南接黃天蕩

**張遠**癸亥六月廿四遊荷花蕩同松之藥亭兩先  
生分賦調得南歌子六月今將盡荷香分外

清說將故事與郎聽道是荷花生日要行行  
膩鳥雲浸珠勻細葛輕手遮西日聽彈箏買得殘

花歸去  
笑盈盈  
**徐松**  
汪溪洋我武昆弟載遊荷花蕩漫賦風俗何年起我吳競移畫舫醉烟波  
傾城盡爲荷生日  
曾對荷花一朵無  
又安得湖風撲面涼西還最苦是斜陽遙看倘更逢詩侶不爲

鄰舟窈窕娘

**無量壽寺距齊門城北一里宋熙寧間爲法主淨梵**

宇治之嘉禾通慧鎮人俗姓竺來自本郡大慈終於大慈至正癸卯遠孫如實作傳已未釋餘澤謨無量壽院記如實講訓之所  
其地東西廣一百二十步南北二百步右立石兩碑尚存

殿嵯峨迴廊繚繞初併北禪  
**正統辛酉釋普信請得今額**  
號無

右建昌新城人先住本邑妙法禪寺丙寅十月詣席關法衆五千指  
**關山門建天王**

**殿增廣垣宇戊辰孟夏立石里紳卓禮譔碑記**  
正德

已卯昇曉窓石刻錢  
**崇禎間素純法師**  
天台  
**與其**

家宰詩都穆爲跋

長州

子天成禪師

弘覺老

曾駐錫焉

素純遇亂被害天

蓋

康熙己酉夏延可生慈禪師開法

古南牧老人

壬子起大悲殿庚申修大殿乙丑夏師示寂

將開

塔於寺後孟侍講亮撰為塔銘

忞庵相禪師繼之

姚廣孝

贈無量東白禪師齊女門邊古佛祠小橋流水樹參差偶來看竹逢佳土指點園林

話舊

錢溥

東白昔副教密郡時與余忘年友沒葬龍山四十年矣偶過無量知其受業之

所而為之慨然成化庚子仲冬十九日偶攜蘭棹出齊門落木蕭蕭暮雨昏無量有僧曾受業却思

東白暗

釋通門

無量寺懷舊齊女門開去路頻忙消魂

目對秋陰憶友生又香積厨邊盡種菱山門猶自待人興一株銀杏還如昔碧葉秋空布幾層又悠

悠世事太生忙鴻雁南飛露結霜記得北風吹水夜故人攜我宿慈庄

徐崧

宿無量寺豐木

堂呈可生和尚及忞庵禪師寺中鴨脚樹參天八  
載重過話舊綠黃葉滿庭寒月照借將禪榻一宵  
眠又逢人常豎一空拳老樹枝頭曉日懸侍者莫  
將黃葉掃不妨留作止啼錢又古寺禪床杖履閒  
輪困老樹出庭間重過正值釋行慈法姪周恕庵  
初晴夜搔首青天月一彎釋超相太史過訪老  
樹當庭覆影涼十年垂釣對滄浪裴釋超相木堂  
休已自師黃蘗又復移舟叩草堂  
圖高僧曾隱處師坐繼前朝樹老癭多結碑殘記  
未消客喧城外市舟滿渡頭橋獨此虛堂靜清風  
洗俗

官浦前近吳淞江隔江南岸卽吳江也自夾至黃云  
有七十二浦明嘉隆間有沈公林徐公道登皆進  
士第爲顯官然浦名已久不以此兩人也或云向  
來漕船由此故名

徐崧

已未秋杪過官浦同戴耘野程杓石麗扶九暨昭兒謁都憲繩齋沈公像巨石坊猶圯荒

祠像已遷賜三聯蒙塵鬚半落委地足相連青草

沿堦浦黃腸隔柱攢至今都憲地舊額宅東邊錢

蚌程棟

前題碩德追先正遺祠半草萊客同袍笏古功並蜀熙推石砌荒碑蘇松流遶岸隈

百年都憲地過客共徘徊

沙湖堤去婁門東二十餘里明弘治丙辰工部主事

姚文灝築廣三丈袤三百六十丈郎中傅潮代竣

其工吳寬為記

徐崧

過沙湖口十月還鄉路洪濤捲朔風漸愁堤盡圯溪德築時功水過蕪田瘠年荒草舍空

垂綸何處好

徐令昭

前題昔年堤未築客勛畏風波今日堤將圯官塘柰尔何

江上有漁翁

戍橋秋雨細村樹野烟和安得仍修復輕帆聽棹歌

東園在閶門外下塘徐同卿泰時建

石屏高三丈濶可二十丈玲瓏

峭削了無斷續痕周生時臣所堆也堂側有土壠甚高多古木壠上太湖石一室名瑞雲峯高三丈餘相傳爲朱勛所鑿取纔移舟中石盤忽沉湖底覓之不得遂未果行後爲南潯董氏構去載至中流船亦覆沒於是打桶數百隻圍石於湖中汲水至乾不意石盤亦在因併得之移置園中用葱數百担鋪街上藉滑而行破屋傾墻真衆舉也

姜埭

已亥秋日遊徐氏東園徐氏園林在招尋獨倚筇三吳金谷地萬古瑞雲峰宿莽依寒厓

重潭伏螭龍西園花更好香轍起南宗又憶弟看雲日飄零滿地愁烽烟迷古戍花草轉皇州作客猶初夏攜家及暮秋向來登眺意憔悴仲宣樓又地接蒼山遠年催白髮新登臨興廢眼離亂死生身秋水有孤鷺寒塘無幾人徐崧題瑞雲峰一片渡江諸弟子隨意五湖春徐崧題瑞雲峰一片琢成瑞分芝草秀奇合夏雲生未肯隨朱動還應傍同卿至今荒壠上劍水氣英英

戒幢律院在冶坊浜東舊爲徐太僕西園子工部溶  
捨爲復古歸原寺崇禎八年延報國茂林祇律師  
開山改今名茂歿建全身塔於此嗣戒初勛公繼  
之付律二人長不二全次誠敬月今語錄改  
字澄清後月  
公復叅雪竇石老人受囑全公住後康熙二年月  
公開法本寺至乙丑夏郡紳士復延月公法嗣天

資粹禪師繼席

天資山  
陰姚氏

徐崧

時寓東園晚過西園作西園跬步近日脫偶  
過從不料清歌地還瞻古佛容露光千樹月

風度一聲鐘惆悵依人世紛紛總向空十月朔日  
同李研齋太史及梅杓司毛蓋臣諸君再過西園  
口占相將令節拚終日乘興西園一度遊莫道女  
郎無解事也從門外泊蘭舟同友人從楓江過西

園贈誠敬禪師杯酒留歡興尚餘吟詩種菊幾人

家檻前流水隨山綠樹杪征帆帶日斜忽聽鐘聲

來古寺徐看杖影度三車西林

**及丹生**

暮春西園晚眺闌闌

惠遠家風別不與同流國麗華

門西去祇園芳樹稠鐘聲出高閣山色到平丘舊

隱南郊接重來白髮愁可堪念闌閣淡夜獨登樓

前題東野花光盡西園樹色淡

**吳士縉**

落霞明遠翠斜照破輕陰坐久

生詩思吟餘聽梵音春

**江接芹**

春殘花事少碧葉覆園溪鳥語欣初

殘猶足樂尚可訂幽尋

弄人情愛梵音疎鐘流古渡空翠

**釋超粹**

初夏幽居靜聽

接遙岑坐久渾志返幽香襲我襟

松濤起悠然青翠中喜看新燕語忍聽落花風雨

過品房冷雲開曲徑空閒來無一事客至始相通

**壽聖教寺在半塘中有稚兒塔晉道生有童子能誦**

**法華經死葬此義熙十一年商人謝本夜聞誦經**

**聲且見墳生青蓮花事聞詔建塔有宋魏憲重修**

稚兒塔記名法華院宋治平間賜今額紹興七年  
重建明崇禎癸未重建毘盧閣巡撫黃希憲有碑  
記清康熙初修方伯彭年又修寺有元僧善繼血  
書華嚴大部宋景濂題

鄭思肖

宿半塘寺一襟清氣足此夜豈人寰醉影  
松杉下吟身風露間秋懸當殿月雲宿近

城山明發騎鯨  
去飄然不可攀

徐松

送均實和尚住半塘寺同偶  
僧賦半塘高閣迥遙望出平

林桂老花初放舟行水正漢書經鴻爪跡聽講雉  
兒心爲憶生公後寥寥直至今又白堤繁盛地師  
到是空山自欲無言說何妨任往還刈茅施  
竹榻扶杖掩柴關堪笑今時者茫茫世路難  
上半塘寺閣端程繞百里又作半塘遊萍梗難離  
寺餘寺百餘間唯關河夢倚樓窗虛宜放眼山好不  
禁愁可數人如織惟知上虎丘又山色當東北烟  
光無片雲殘陽何處盡落木下方聞吳寺憑垂柳

唐碑臥斷文荒溪原  
釋行水徐松之沈偶僧兩居

可愛莫遺又移軍

聖寺有詩奉和蒲團猶未暖頃復謝香林理生非

高下人情有淺深一枝聊寄跡諸事已休心頑石

元成佛何須講古今又斯道當秋晚知音尚可尊

經翻聞野雉挂吐悟雲根古木垂清蔭寒香拂斷

垣山橋時入望

曉影落江村

陸來半塘樓小飲酒旆高懸七里

日歸來早花爲春寒不放齊佳節屢過人漸老名

山相對日初西人生那得常如此莫惜尊前醉似

泥汪言半塘寺佛閣高閣參天起登臨茶龜烟浮

接墓田我來春欲

張幾春日半塘遇友人喜贈

去樹杪聽啼鵲

老還乘興與君閒好及時風流憶往事水

道歎交知不日看新綠紅亭共酒卮

楊柳枝詞楊柳青青映水流如烟如霧繞

歌樓凭欄多少懷春者日鎖雙眉不展愁

登半塘佛閣六月山塘日色紅毘盧閣上有

松風歌樓酒旆無時狀都在凭欄一望中

黃白

芳

夜臥為半塘寺鐘聲驚覺枕上偶成一枕高眠蝶夢通正迷春色故園中忽教身世歸禪室午

夜鐘聲

余雲

舟泊半塘見童子讀書有感橋邊傷柳寺遙望歸去邗江幾日行自愧無

萬壑風 童子讀書聲

寶帶橋唐刺史王仲舒鬻寶帶助建故名後復圯架

木以濟明正統間巡撫周公忱

成有司節官費備用

重建

凡五

十三洞石二千六百丈木四萬二千五百株灰二十四萬三千六百斤鐵一萬四百斤米二千六百

石陳循記

康熙癸丑重建

卜舜年

寶帶橋一片春帆維野鷗桃花隨意着芳洲洞庭山矮太湖瀾寶帶橋中水亂流

吳有涯

過寶帶橋觀陳瑋妻張氏到城艇相識不得死郎前將心托何處橋邊水咽聲定

向吳夏完淳

寶帶橋頭泊狂歌問酒家吳江天入水震澤曉生霞細纓迎風急輕帆帶

兩斜滄茫不可接何處問靈槎

**徐崧**

見寶帶橋重修有作滄臺湖在具區東利涉全資寶帶功

山對楞伽邀串月塘連葑水捍衝風石獅對坐行人過水鳥羣飛釣艇通亂後圯崩誰再建捐資直

欲娘王公**張大純**寶帶橋邊秋水多菱荷淡處出漁歌湖光如鏡山如畫山色重重橋下過

**薛氏蘭英**翡翠雙飛不待呼鴛鴦並宿幾曾孤生惜寶帶橋頭水半入吳江半太湖

**滄臺湖在縣南西界太湖**

吳地記云滄臺子羽宅所陷子羽常南游至江故云

**湖東過寶帶橋入運河分流入黃天蕩**

**周永年**

滄臺湖截太湖傍夾浦橋高寶帶長見說顧公能拒水莫教濺浪打鴛鴦

**海慧庵在葑門外古石家滙東即普利庵廢址明萬**

**曆四年有五臺僧如海**

稱法華禪師

**因夢神語購地建**

續置飯僧田三頃有奇本縣給帖免役**初名海會順治十二年豁堂**

濟巖禪師改今名

僧涵珂復置庵  
旁地八畝零

徐松

過海會庵有  
感道路無時  
息吁嗟最苦  
辛抄書懷短筆  
曳履流飛塵  
病雜身如破  
貧常境

若真不知千載  
後誰識一遺民

### 懷雲亭在東城沈青城太史止園

徐松

秋日過懷雲亭訪周雪客調得踏莎行徑點  
蒼苔墻遮翠柳開亭面面開疎牖不知城市

有山林謝公丘壑應無負為叩名園歡尋良友  
十年夢寐今携手塵談相對欲披襟庭花細落茶

香孫枝蔚

過懷雲亭訪周雪客示與松之唱和詞  
因次其韻瘦竹連松衰梧映柳秋風入

處嫌多牖止園何似枯園中黃花萬朵輕相負  
座少青蛾樽多紅友湖山久待揮毫手問君酬倡

與誰頻吳江

俞瑒

迎風旆枯荷烟凝疎柳秋花點點  
詩老徐陵後

豪氣真難負

文許論心詩堪結友富筵筆陣  
惟能手碧闌干下按紅牙新詞肯讓清真後

陽山距城西北三十餘里高八百五十丈以面陽因

名亦名萬安以諸峰四飛以諸峰秦餘杭謂始皇

舟登會稽以餘杭名山故或云東為陽西萬安南

秦餘杭北四飛又名蒸丘蒸山以雲氣大峰一十

有五箭缺居絕頂形兩岐謂之缺為始皇箭鏃所

日亭亭下長一作雲三字王文恪筆鏤崑上將磨

有白龍洞書字大一團清勁道古遺介公鏤東向東北峰

一石下有龍井用以瀹茗色白味香巖之最高

者舊名來鶴望如狻猊土人指峯巒為雌雄云相傳始皇時有管仙人隱此故一名管有巖山

道院院有東岳行宮誕日大石湧出山腰如蓮花

進香多鄉人呼為草鞋香白蓮下有名

欸雲下有泉二泓一為雲泉元至治白蓮下有白

湖僧道宗建庵有凝霞樓一石井蓮寺

湖州

松化

石狀似松上有洞近有一壺泉

草頭

一石一態如半草分披

香爐

在白龍場

一巨石疑從天落復一石作玷粘着處不能以寸

雞峰

白巖以北聳出天半有洞門若城中

極宏敞正對一峰洞

白鶴

下有令威宅威化鶴度海丹井猶存唐會昌間

建白鶴寺錢氏時有泉出改名仙泉院泉產千葉白蓮又名白蓮寺宋祥符中賜額澄照

長雲下羣峰大象鼻

大石山中一峰自石面起宛轉倒垂下開豁似街通行頂

小如果魚成隊

啓龍

山之來龍至是而發又名憇龍亦有崑洞常光怪燭天

鳳凰

宇如巢

下有鳳

西

介於西

又韋駝

與長

道士

在北山狀如雲並

南爪

如龍

北爪

嶺有白塘

即白堊以其形音似惡改名曰塘五色間亦有

之鑄冶所必需淳水澄泓環石奇秀

金芝

石皆饌蓋作金色上有井相傳劉誠意所鑿及隼慶

庵江婆

路為江

石狗

石勢有如蹲如走如臥如關者

馬王

下有石名真假

山前卽**耙石**上平如膝相傳仙人種玉於此右有

淨明寺**巖有文殊**又景福庵元大德間僧道弘建今爲蘭

院風塔**巖有文殊**又名觀音上卽長雲帔駝**虎頭**作

猛勢下**滴水**一名水簾一名瀑布又名珍珠簾再

瞰龍井坐於此洞前**夕照**大石**塢有白龍**前有晉栢龍湫

怪石林立相傳秦時有端溪溫媼業捕魚遇澗中棄卵如斗

拾之置缶中未幾卵窠物出如龍媼養之及媼治

魚誤突龍尾龍避去數年忽還媼所如兒戀母媼

亡龍擁浪迴沙墳媼又云晉隆安中龍母姓繆爲

處子有白衣老人求寄宿諾之已姪而產龍母駭

死龍去似不忍每逢誕日必來省母土人於冢後

建龍母廟宋初由山巔遷於山南之曹巷熙寧丙

辰再遷於澄照建炎中主僧覺明新之紹興己卯

帥漕以祈雨有應奏賜臨濟廟軋道戊子郡守姚

憲奏封龍母顯應夫人詳胡偉靈濟廟碑自後景

加封勅又有**金牛**卽金**火丫**以象**石有石蕩**一巨

藏軍洞二

石盛

石梁

香爐以南  
凌空橫架

屏風

長雲

自東南福壽抵南

南爪迤西陽抱

山有陸績墓又有舊蒲泉  
及陽山南茶坡泉味極佳

抵北北

爪為溫彭圖

三山臨太湖

雞籠

山有七竅如甌  
有甌山教寺

又北

胥女西南中峯啓龍謝現鳳凰觀趙王錦峯

二字

御書賜  
鄭啓潛

又南玉遮凰現賀九皆陽山支隴也

舟與  
自詩

墅竹青塘通安橋為大石白龍北與西之徑自高  
余橋或自射瀆橋為白塔長雲東與南之徑鳥道

三大石而南過草頭白龍而東經香爐屏風而西  
抵長雲皆達箭缺東則彌望平嶂西則具區泥濘

至孟冬日月合朔尤為奇觀昔芝臺  
陳太史欲於文殊閣社稷山之勝云

高啓

登陽山我登此山巔不知此山高但覺羣山  
總在下坐撫其頂同兒曹又見大湖動我前

洶湧三十萬頃烟波濤長風吹人度層嶂不用僊  
翁赤城杖峰迴秋凝海鶴飛日出夜聽天鶴鳴中

有一泉常不枯乃是蜿蜒神物之所都老藤陰森  
洞府黑樹上不敢留棲鳥常年禱雨車來此投金  
符靈旗風轉白日晦馬鬣一滴沾三吳巖巒蒼蒼  
境多異樵子尋常不曾至探幽歷險未得歸忽聽  
鐘來潤西寺此時望青冥脫畧塵世情白雲冉冉  
足下起如欲載我升天行古來名賢總何有唯有  
此山長不朽欲呼明月海上來照把長生一瓢酒  
浮丘醉枕肱洪崖笑開口天風吹落浩歌聲地上  
行人盡

### 周南老

前題高出衆山上獨有秦餘杭雲  
回首

秋以時司雨賜夫差昔夜匿於焉絕饑根三呼  
輒三應道窮愈偉倥公孫言可徵山靈爲摧傷王

### 整

望陽山青谿欲盡轉遙迤臥對陽山舟自  
移聞有高人何處在白雲紅葉影離離

### 吳寬

贈釋定鄂住陽山文殊蘭若今何在說在陽山  
箭缺傍入定不知風雨過白龍應向鉢中藏

### 時行

遊陽山陽山高踣郡城西紫氣氤氳碧落齊  
鳥道百盤凌恍惚驚峰一柱截虹霓層空半

壓穹窿勝絕頂平臨岸崿低天與岡巒開實地人  
從霄漢躡丹梯藤樹礙石疑中斷樹杪攀厓更上

躋笠澤晴波遙見鷁扶桑朝旭遠聞鷄亭標浴日  
懸新構壁洗常雲識舊題古廟龍王行雨過危巢  
蒼鶻向風樓陰森欵起松間嶺偏仄誰開李下蹊  
落照重重銜夕障飛泉灑漢灌春畦盪胸海色三  
山出入背烟光萬井迷指點吳宮夢碧草依稀素  
觀護金泥山僧習靜時鳴磬野客尋幽獨杖藜欲  
學盧遨遊汗漫言從惠遠住招提嘯歌直擬邀鸞  
鶴來往惟應伴鹿麋醅酹不辭歸路晚玉壺春酒  
正堪前題袁弘道曉石蹲如象枯松剝似鱗鶴仙  
携前題何處是龍母果然神穴有能言獸品  
多不語人吳宮零陳仁錫觀音巖看月介公至風  
落盡踪跡竟誰真陽山文殊豈上人訪于吳門寓  
忽報山僧至黃潛舍求為湘竹詩予辭以未見竹  
山深知未知黃潛舍求為湘竹詩予辭以未見竹  
上人不知遠六十里自山中舁其竹而來好事有迷  
此者欣然為賦長句道人來自陽山麓手携舊種  
千竿竹小栽方斛不盈咫中有蕭湘江一曲未信  
天工能爾奇不知地脉從誰縮晴空條條散烟霧  
眼底森森立羣玉豈期我乃累此君象犯風埃走  
塵俗故山方遠重愁絕新句未成慚迫促黃岡之

產大中祿政用才美刻其腹願言嚴激文殊寺贈

保此終天年歲暮山中伴幽獨嚴激介公值君

飛錫處一語便成歡雲水諸根淨冰霜五戒寒雕

龍枝亦得驅虎法何難喜與常雲社雙眉敢自攢

李頻題陽山顧練師草堂若到當時上昇處長生

花王禹偁贈陽山草庵禪師陽山山下草庵淡寂

為政一顧璘陽山草堂草堂遙任碧山阿手種青

般心松十丈柯聞道欲閒閒未盡問奇携

酒客方太古雪後宿顧大有陽山草堂草堂新築

殘雪夜月明王禹偁宿倦泉寺祭廟回來畧

風靜聽潺湲王禹偁問釋薛墻沙徑碧山前風疎

遠磬秋開講水響盤車夜救田藍綬有香花茵苜

竹窗無寐月嬋娟自慚政術貽枯早忍臥松陰激

石謝濤留題澄照藉明上人靜室疊巖收雲拂眼

泉謝濤明久依香社豁高情主人心似秋池水一

日看來周南老龍母祠陽山第三峰雲漢神所棲

一日清龍塚上有靈母祠昔傳民

家女育龍此山陞龍化母驚絕雷雨交相馳於今  
禱必應兩賜無愆期緊靈神變化猶知有母思

**高啓**

丁令威宅丹井令威作仙上天去舊宅畱在  
青山阿千年宅廢但遺井何處更聞華表歌

南陌黃塵足去客東流碧海絕剋波  
楊貢天順戊寅春仲

鷄歸重覽應惆悵地上丘墳今又多  
楊貢

祭白龍登澄照琪上人閱經亭偶成因祭來澄照  
閒登最上亭微微遠水白點點亂山青犬吠虎聞

法池腥龍聽經老僧顏瑄公暇遊大石次韻老梅  
心性悟何日渡滄浪顏瑄幽礪曲修竹短牆頭室

小如懸磬山虛若覆舟百年真幻絕一  
沈周辛丑仲夏

會足風流擾擾徒為爾得休須早休  
沈周

遊雲泉庵問寺松篁裏芒鞋苦未停蒸雲山似甌  
隱日樹為屏鳥啄臺中食僧翻几上經間來復間

去空損吳一鵬登大石大石巍巍郡郭西登臨此  
石苔青

天空萬物低田舍築墻堆亂石僧厨剝笋落  
鄒迪

黃泥興遊未盡忘歸去一路垂鞭信馬蹄  
鄒迪

光登大石巨靈何事者鑿石表三吳地割烟霞境  
天分日月都斷岩雕檻接飛磴曲欄扶長嘯松

光

天

分

日

月

風下羣仙王穉登重遊雲泉庵舊遊還彷彿重禮

若可呼崩半凋空腹樹久病白頭僧馬之駿同張怡生業

濟勝非前度危峰上不能虎臣時良兄登陽山大石幽揆猿鳥共為羣登絕

初看衆嶺分野老自燒新廟笋山僧常袖欲歸雲

晴村草樹湖如帶陰壁藤蘿石有文范成大塔銀

師友弟兄來不易憑欄爭語洞庭君顧阿瑛龍山

鬚王璞紫金精犯難窮撲亦有名白琦元璞雞籠山下野人家破曉寫詩邀品高啓雨

茶秋風過樹落紅葉夜雨滿溪流白沙遇憩龍山春雲晚霽湖奔渾風雨行人過王穉登

一村不似山家淡竹裏乳鳩啼午未開門重遊巖山廟祝融焚盡碧桃花東帝何年返李嵩

翠華欲辨却灰人不識斷碑空記管霄霞題學易處一室焚香几獨凭蕭然興味似釋海融

山僧不緣巖山忘巾櫛免得時人有愛憎偕陳太史桂花岩待月桂臺通石壁世味不相侵月

月到花心冷人狂酒興淡鷓鴣高樹宿蟋蟀斷岩

吟漫理無絃曲  
**陳琦**  
八月十日兒子鑑駕樓船載

踟蹰默會心  
酒肴樂具侍奉遊大石山雨

作不顧先造白龍  
睛而行果得達途中喜賦一

詩射賣東偏一木  
平兩舟如屋後先行遠從大石

山尋樂先向白龍  
祠禱晴攀蓋不同朝雨密拂衣

漸覺午雲輕清風  
忽捲羣峰出似慰兒曹悅我情

**徐賁**  
陽山瓊姬墓館姓宮裏已堪愁况值泉臺閱

小丘月冷寶奩無  
復曉池空玉雁不知秋蘿

間舊屋僧來往竹  
下新亭客過遊不岳岱淨明寺

有佳名留郡志誰  
能識此為停舟

迴繞上方傍岩臺  
殿倚蒼蒼塔前銀杏克僧供爐

底松花當佛香高  
嶺星河常信宿下山花竹又斜

陽却緣婚嫁飯依  
晚顧元慶箭缺兩峰中斷山椒

未得辭家禮法王  
起云是秦皇一鑊穿

萬壑松濤雙履底  
三吳風物一尊前濛濛元氣玄

厓濕靄靄高雲翠  
壁鮮欲醉公孫呼不起晚來幽

獨下**吳義坤**  
白鶴峰野驛溪城郭依然鵲不歸人

蒼烟民幾易世俱  
非而今故宅為荒寺野

老猶思丁令威  
萑蒲泉在陽抱山魯將軍墓下曳

杖來尋隱士家  
泉香不減白龍茶一泓寒碧漢山

裏誰種舊**陳大賚**同吳太玄弔魯將軍墓獨尋前

蒲繞岸花碑橫不記春澗邊行新暢松下臥麒麟再拜將軍

墓還期一薦尊蠶湖橋半岸夕陽疎柳一篙秋水

寒蘆傳說扁舟從**吳林**井不過數株摘得雲英帶

此載將西子歸湖露光分來佛火試煎嘗山僧春晚元無事碾焙收

藏鎮日忙又白龍泉淪白龍茶石髓珍烹綠玉芽

**東坡詩**謠香泛乳花看似雪陶家風味漫相誇蘭

花笋陽山下皆赤土惟岳園栽竹處約半畝許泥

黑色產笋香似幽蘭大石龍塢二處產笋亦作蘭

蕙而岳園者最勝人羨斯園土最良產將玉笋作

蘭香詩翁蔬食無佳味廝供厨珍對客嘗弔瓊姬

墓吳王夫山下新墳與古墳一般荒草有誰分但

看塚上雙雙蝶知是瓊姬舊綵裙綢繡野游昭

明寺曉石奴新書翠微溪處訪禪家曳杖來過興

不賒鐘響易尋前代寺僧忙為哺後園茶綉珍銷

更以銷間畫之白龍下玄言悟物華日暮感懷思舊

碣淒然讀罷起長嗟望大石不得登四十年來願

已淡相看那得當登臨推蓬莫  
**徐崧**陽山玉洞虹  
怪多時望幾度經過未一句

居龍母與丁仙苗與早禱傾盆雨鶴返遙鳴廢壘

烟東去金闕青隔野西來笠澤白浮天最奇高頂

峰如闕謂是**張大純**望陽山四飛山翠欲紛披絕

素皇一鏃穿**張大純**頂衝開箭缺奇日上平湖光

閃閃雨零曲洞響願願鶴仙烟月歸華表龍母風

雷出古祠何日高朋同蠟展携壺攬勝更題詩

**何山在獅山北一里其地舊名鶴邑墟故山名鶴阜**

**山因梁隱士何求何點葬此改今名其坡有資福**

**寺**  
屬吳縣

**皇甫湜**過何山懷二何靈山徵往迹居士葬何年

哀壑蒼烟斷空林落日懸禪關二隱地花

路五雲天共盡悲**徐崧**過何山資福禪院盡說何

千古淒涼野鶴旋**徐崧**山寺誰知資福門殘僧多

菜色古路人雲根瓦礫香臺圯藤蘿

亂木昏雙碑猶在壁風雨剝苔痕

尹山去寶帶橋東南六里相傳周大夫尹吉居於此

故名崇福寺在焉梁天監二年僧左律建元丙申

年燬明洪武間有聖僧永隆運巨木重建有來木

池存焉

隆善薩姓施氏尹山寺僧也洪武壬辰師率其徒詣京求牒及衆三千人因試經多

有不諳者上怒其冒講悉罪爲軍隆乞焚身以代之携龕至雨華臺望闕再拜有偈曰三十三年一幻身洞然性火現前真大明佛法興隆日永祝皇圖億萬春復取辦香齋風調雨潤四字置篋內謂中使曰爲我奏之他日遇早出此以禱必驗已焚香飄鶴降舍利無算上悉赦免給牒後遇早迎此香至天禧寺禱之卽日大雨上喜曰此真永隆雨也製落魄僧詩以彰之云盤陀疊膝倚喬松累世因緣積善功車馬有時雲會集幡幢無刻霧來從經談般若三千界法演仁王九五宮煅煉始知玄妙處爲專鐵春久凌空弟子時習

函師骨歸葬尹山詳姚少師塔銘

成化十六年後

裔從訓重建塔院享堂有碑天啓四年大風寺圯

至康熙壬戌里人顧士禎倡建

時王額駙喪門蕭碧堂籍沒購為殿

材以始其事

雲開方禪師開山

寧波人大覺瑋禪師法嗣

舊有澹臺

滅明書院尹和靖慕其勝曾僑寓焉

陳基

尹山人傳周吉甫遺墓在勾吳蕭條入墟里決莽帶烟蕪豈伊姬臣裔散落在江湖負耒

林丘下容

管志道

恭和太祖高皇帝御製落魄僧詩孤雲飛出嶺頭松震旦喧傳

非隱者徒超劫功百億化身塵外滅三千法眷日邊從香拈

海印開龍窟雨澍桑林入梵宮一自宸章含骨後曇花日日雨長空又莫笑頭陀類稿松一朝飛錫

顯殊功身隨火滅三因淨賺自天來萬法從舍利許分阿育塔甘露疑滴首羅宮覺皇贊我皇圖遠

故遣神僧下碧空和承隆和尚偈劫火難燒法性身空羣起滅總非真三千佛釋通門

尹山道中來子今何在落魄詩傳二百春釋通門

住舟何競其

如橋不喧一山低少樹幾屋冷成村北望金  
城固西來白水渾文身懷至德感慨獨相存  
徐崧  
尹山廢寺瞻隆禪師碑落鬼僧何在還看  
瘞身應有以禱雨亦無為荒草埋遺礎空  
廊倚斷碑如斯稱應化未法總堪思乙巳  
新歲過尹山寺日霽春光暖風生霧氣開  
野橋迴望合湖水送行來遠浦飛孤雁荒  
山落晚梅張大純重過尹山寺為看碑碣  
在寂寞倚香臺天寒覺路長橋高帆竟過  
山小寺難藏無處尋書院誰人葺享堂猶  
存一片碣盡讚永隆香

尹山橋

明天順六年郡守林一鶚重建學士錢溥記

雙塔禪寺在城東南隅唐咸通中州民盛楚建名般

若院吳越錢氏改羅漢院宋雍熙中王文罕建兩

磚塔對峙遂名雙塔重建殿宇

釋妙思有記

至道初賜

御書四十八卷改壽寧萬歲禪院紹熙中常平茶

鹽使者建祝聖道場

王氏已捨田五百八十畝食崑山宗王有田七十餘畝籍

沒僧德溥以千畝爲請提舉徐誼委有司給之龔順正有常平田記誼永嘉人明永樂八

年僧本清重建康熙十五年里人唐堯仁重修天

王殿山門恢復法堂

袁提舉

紹定五年再簡普華春寒雨凍雪紛飛衲被蒙頭晝掩扉振錫起來獅子吼壽寧堂

上發真機張慶孫

過雙塔寺時尚未修葺殘碑臥夕陽千秋冷落普華香僧離只學吹

橫笛瓜蔓多留繫短墻塔院夜淡風颯颯寺街春老樹蒼蒼何人肯念王文罕對策浮圖七寶裝

徐崧

殘碑片片帶蒼苔寺裏誰人似辨才幸有袁公題偈在至今猶識普華來

定慧禪寺本雙塔西方院起自唐咸通間宋天禧中

賜額始分爲二其禪師開山超信禪師演法

信載五燈

指月諸錄紹聖初定慧住持守欽遣其徒卓契願  
遠訪東坡於惠州且寄擬寒山十頌蘇和詩八首  
答之又書歸去來辭以貽卓契願始刻於彭澤後  
周文襄公忱撫吳復令寺僧妙珎勒墨本於寺中

元季兵燬明洪武中僧澤藏山永樂中淨因正統

中妙珎先後重建

有張洪重修定慧及黃省曾蘇公嘯軒碑記黃并令住持繪東

坡像奉軒中且勒碑上然嘯軒考蘇集恐是黃州定慧

康熙十一年郡紳繆

彤等延僧大休駐錫里人唐堯仁重建觀音殿又

重修彌勒殿大殿

時瑞旭客禪師於大殿後構三楹以擬肅軒容吳縣人脫白於

洞宗大休得法於濟宗道安和尚

蘇軾

蘇州定慧長老守欽使其徒卓契願來惠州問余安否且寄擬寒山十頌語有案恐之通

而詩無島可之寒吾甚嘉之爲和八首錄一淨名毘耶中妙喜恒沙外初無往來相二上同一在云

何定慧師尚欠行脚債請黃姬水中秋集定慧寺時自金陵暫歸

判維摩憑一到東坡界

共喜中秋河漢明東林坐見月華生青天不染金

波冷古寺無人玉漏清竹栢空堦交藻影蛩螢淡

巷雜砧聲故鄉翻作思王庭和徐松之戊辰上巳

家夢此夜長安兒女情

禪師嘯軒韻香林聞梵處高坐後僧禪花影庭心

出驚聲樹杪懸殘碑堪摸石國水自通泉詞客頌

來往偏尋彭龍和韻咸通留古刹定慧集名賢已

修辭緣

響雨過竹尤鮮於此李貺定慧真名利燈傳海印

追芳獨何須識水邊

坡仙墨妙碑猶在軒空榻可褚篆佳日誰修禪來

懸良辰修辭飲佛火煮山泉

碑蘇雨衣挂壁蘿烟隣寺交龍影新巢語燕緣痛

軒題句在同爾念前賢又卓荦何為者名傳事豈

虛贖留居士蹟知寄惠休書寺額猶仍古張大純

禪心亦起于晚窓陳話久草色冷前除

高士心無倚遊踪愛古禪單丁軒乍啓上巳月初

懸磬響和松響經筵勝綺筵由來獅吼地芳草正

芊芊高佑鉅招提逢上已修禪煮清泉花柳三千界

卽此留佳話陳銳友真推卓荦墨妙重坡仙古寺

蘇碑可並傳友井是洗心泉記取曹基賢朝來逢上已相對倍

分題處風流嗣昔賢丘象艮清心向梵天

悠然勝事流觴外禪心得句傳張大緒已

前願言追大雅重與後人傳張大緒已

殿中分佛火竹裏起茶烟坡老殘碑在張大緒已

欽公逸事傳嘯歌偕勝侶誰謂遜前賢張大緒已

過蘭若鐘魚洗俗緣香清依古佛碑斷識前賢不

數蓮池勝還參栢子禪茲晨功德水被襟更堪傳

金根

定慧城東寺傾頽不記年隣垣侵地築佛像

興碑上汪撰招提真自古寂莫古城邊修禪誰來

揭告錢此逢僧亦偶然一龕圍翠竹雙塔上

青天賴有南州余雯采蘭何處去逸興愛逃禪物

老詩成並景傳外風猶古林端月始懸焚香

分佛火啜茗煮新泉殊徐開任定慧寺懷古似家

似黃州客偏多定慧緣松之暨瑞公當世

知交輩誰如方外真孤舟輕萬里片紙寄遷人定  
慧傳燈遠東坡遺墨新城東雙塔峙瞻望獨傷神

**吳肅公**上巳定慧寺城春春望好梵閣水雲間塔  
湧前朝勝花開旅客顏高風尋白社遺蹟

表眉山為問驅車 **顧湄**前題古寺留名勝禪燈畫  
者何如此地間亦倚詩珍賈島佛人見伍

喬星墨妙龍應護經聲鶴共 **朱謹**上巳同徐松之  
聽相將結香火到此合忘形諸君定慧小集

東城三月路看柳復尋僧寺並借雙塔殿孤寒一  
燈清風來上巳白社引高朋重問蘇公蹟苔痕歲

幾 **馮行賢**呈瑞旭和上个事近尋求茫然未有出  
增 **馮行賢**瑞風何自動橋水是誰流歎我迷千劫

煩師指一漚莫教將 **朱曾傳**定慧寺贈瑞旭上人  
卓老前獨擅徽猷禪心一片月空自落

庭陰遠水不可即白雲相與淡妙香焚古 **徐崧**戊  
寺清磬出寒林欲問蘇公跡荒苔何處尋辰

上巳同友過訪定慧寺瑞旭禪師茗話因留宿賦  
傍晚來相訪因知定慧禪東城雙塔湧古殿一燈

懸月出平如瓦松生響似泉蘇公碑尚在信宿有  
前緣丙寅午日宿昭日客昆仲招過汎蒲并遊雙

塔定慧諸寺曲江兄弟愛潛夫隔日招尋爲泛蒲  
杯正傾時貽綵粽楊當下處掛靈符暮雲古寺隣  
雙塔夜雨東城水滿湖歲歲知交張燦然遯庵先生汎  
俱解此不須齋粥累浮屠辨蒲寒舍同用七虞韻龍舟金鼓渡頭無棣萼詩篇  
且共娛五色綵絲纏角黍一天好雨洗菖蒲貧同  
北阮原非病德與南州更不孤東張大受常州詩更  
郭舊遊精舍近安禪能有幾浮屠題雙塔懷古悲應  
好况逢五日酒能沾逃禪醉可題雙塔懷古悲應  
弔左徒高閣鴨爐燒赤朶小橋漁艇摘青蒲端陽  
不比重陽節風拂如絃雨似珠

南禪寺唐開成間僧元遂建有千佛堂轉輪經藏居白

易記畧云先是郡太守居易發心蜀僧清閑矢謨  
吳僧常敬弘正神益等僞工檀主鄧子成等施財  
院僧法弘等藏事太和二年秋作開成元年春成  
費緒巨萬堂之中上蓋下藏蓋之間輪九層佛千  
龕緣繪金碧以爲飾環蓋懸鏡六十有二藏八面  
面二門丹漆銅錯以爲固環藏敷座六十有四藏

之內轉以輪上以梘經函二百五十有六經卷五  
千五十有八藏成經具請越之妙喜寺元遂禪師  
爲之主遂旣來教  
行如流僧至如歸  
**白居易在郡常書長慶集留千**

**佛堂**  
南禪院白居易文集記畧云唐馮翊縣開國侯  
太原白居易有文集七奏合六十七卷凡三

千四百八十七首家藏之外別錄三本一本實於  
東都聖善寺鉢塔院律庫中一本置於廬山東林

寺經藏中一本置於蘇州南禪院千佛堂內時開  
成四年二月二日吳郡志云南禪寺唐有之今失

所在按寺在郡  
學東本名集雲**洪武中僧示應**  
號寶曇和尚**奏請爲南**

**禪集雲寺成化中寺燬僧德本重建**  
吳寬記**正德間**

**都綱良定建天王殿嘉靖間住持祖鎮重修**  
楊循吉記

**徐縉**  
贈鏡庵上人滄浪池頭秋水清滄浪亭上秋  
月明上人棲隱已七十披衣擁膝傾相迎竹

扉松逕自成趣猶記當年濯纓處從  
茲借榻學無生笑指天花落庭樹

忠烈祠在乘鯉坊祀宋丞相信國公前平江知府文

天祥明正德六年巡按謝琛題建賜額舊在永豐

倉西嘉靖二十年巡按饒天民改建今所萬曆二

十年知縣陳其志四十三年知縣胡士容相繼修

俱有載入祀典今康熙九年重修鄭敷教記大宋

亡死事之臣甚烈文丞相信國公實首稱焉百世而下祠公於所生之鄉所死之地所經歷之境幾

徧方域矣其敕建於吳中也自正德六年辛未始也公昔勤王之師常開闢平江既係燕獄有集杜

詩二百首如自作年譜其敘蘇州云予領兵赴闕時陳宜中歸永嘉留丞相夢炎當國夢炎意不相

樂出予以制闕守平江尋以獨松事急趨還宿衛予行未幾姑蘇陷哀哉公蓋一日不能忘蘇州而

蘇州之人心百世不能忘公有以也其奉敕改建於學宮自嘉靖二十年辛丑長洲縣學既遷之後

也公後人待詔公徵明書正氣歌於堂之壁生氣  
凜然惟公之學一歸於孔孟殺身成仁舍生取義  
以公衣帶中所藏正公位於孔氏之庭豈曰時會  
使然蓋亦至聖大賢精英有以相疊也自辛丑至  
萬曆乙卯歷七十餘年而祠宇日圯邑宰胡公士  
容謀於公後人孝廉震孟重修之後孝廉亦以狀  
元位至相國風節義槩能繩其武云自乙卯至今  
庚戌又五十餘年而傾圮者鞠爲草莽矣其裔孫  
世光謀助於一時好義之人心則顧考功予咸實  
首倡之濱死以屬其後人而堂宇重新焉蓋予讀  
宋史至信國公事及井中心史所載文丞相序未  
嘗不骨顛蹙搖有甚於謝翱之慟哭也公嘗謂大  
宋三百年宗廟社稷爲賈似道一人所破壞於平  
何後世似道接迹而如信國公者虛無人信國公  
之靈其必有恫乎不寧倍於昔日者乎祠之始建  
再建開於朝重修也輪於官今焚焚興起於不振  
之子孫與夫好義之人心是可悲也已雖然今日  
而猶可興起也卽人心爲足恃而我公星辰河岳  
之精英爲不磨也夫

李振裕

泰謁文山先生祠宋家陵谷等塵埃相國殘碑歷劫天舉世幾人祠下拜寒山片石

久陽開孤忠自可存今古遺廟何妨付草萊謾說春秋猶饗祀一林風雨閒荒臺

何棟

維

東傾宋祚移誰言一木堪相支文山正氣自千古紫市碧血留餘悲吳中石像瞻奇迹南渡冠裳儼

如昔顏垣老樹開昏鴉一片丹心照空碧

許定升

吳都瞻石像燕市歎南冠血作千年碧心

留一寸丹誰言填海易不信補天難劒珮今猶昔庭空白日寒

錢三錫

昔是賢宮地今爲丞

相祠芹香留俎豆池影照鬚眉正氣元終古斯文尚在茲所關名教大捫蘇讀殘碑

張大純

燕市寧如吳市寬南冠豈復羨黃冠只今廟祀還如舊要與千秋烈士看

東莊吳文定公父孟融所治也中有十景孟融之孫

奕又增建看雲臨渚二亭李東陽爲之記

劉大夏

吳下園林賽洛陽百年今獨見東莊迴溪不隔柴門迴流水應通世澤長十里香風

來桂塢滿簾涼月浸菱塘天公**李士實**小莊隨意

自與莊翁厚又把栽培付令郎

漫分蘇地漫耕流水聲中看杖倚人家叢裏有舟

行市塵咫尺疑無路林壑分明不出城昨日玉堂

新賜詔乾坤**沈周**東莊木木有清輝地靜人間與

誰信問逃名

後問鄰飢城頭日出啼鴉散堂上春深乳

燕飛更羨賢郎今玉署恩封早晚着朝衣**吳寬**奕

姪構二亭於東莊以為子佚老喜而有作爾父西

菴偏拙修當年種樹帶平疇近聞肯構為子計專

待歸休與客游山上看雲依鶴洞池邊臨渚**沈周**

對桑洲只憂筋力非輕健更欲浴湖具小舟

(次前韻) 特意作亭知好修石基高築樹為疇欲承

伯氏歸休樂未許他人造次游細路矯橋緣麥隴

長濠新水漫蘋洲宰公果遂

**施何牧**訪東莊舊址

南還興我亦洪頭艤小舟

風流說異時門栽彭澤柳客贈輞川詩蟹舍依

橋築魚簪傍岸移至今餘想像煙雨任迷離

**張**

**安世**事業文章兩足稱東莊舊隱蔓枯藤

姓名留與人間說桑海何須歎廢興

陸魯望宅在臨頓橋皮日休云不出郭郭曠若郊墅

魯望幽居賦云陸子居全吳東距長洲故苑一里

又云地接虎丘門臨鶴市

崧考志五柳堂宋胡稷言所居在臨頓里陸魯

望舊址也其子嶧又取老杜宅舍如荒村之句名其居曰如村則唐宋時此地荒曠可知矣又有別墅在甫里魯望躬耕於此有地數畝屋三十楹田四萬畝有奇其居後為白蓮寺建祠堂塑像咸淳中有盛氏子醉仆其像得其詩文彙於腹

皮日休

履步訪魯望不遇雪晴墟里竹欹斜蠟屐徐吟到陸家荒徑掃稀堆柏子破扉開澀

染苔花壁閒定欲圖雙檜廚靜空如飯一麻擬受太玄今不遇可憐遺恨似侯芭夏初訪魯望偶題小齋半里芳陰到陸家藜牀相勸飯胡麻林間度宿拋碁局壁上經旬挂釣車野客病時分竹米鄰翁齋日乞藤花踟躇未放  
陸龜蒙奉和襲美見訪不遇為愁煙岸閒人去半岸紗綃待月華

老崖羈扶病呼兒劇翠茗祇道府中持箇贖不知  
林下訪漁樵花盛小塢晴初屋葉旌疎籬凍未燒  
倚杖偏吟春照午一池冰段幾多消天和四鄰多  
是老農家百樹雞桑半頃麻盡趁清明修網架每  
和煙雨掉繰車啼鶯偶坐身藏菜餉婦歸來髻有  
花不是對君吟復醉更將何事送年華和皮日休  
韻十首近來惟樂靜移傍故城居閒打修琴料時  
封謝藥書夜停江上鳥晴曬篋中魚出亦圖何事  
無勞置棧車倩人醫病樹看僕補衡茅散髮還同  
阮無心敢慕巢簡便書露竹樽待破霜匏日好林  
間坐煙蘿僅欲交後僧留海紙山匠製雲牀懶外  
應無敵貧中真是王池平鷗思喜花盡蝶情忙欲  
問新秋計菱絲一畝強故山空自擲當路竟誰知  
祇有經時策全無養拙資病深憐炙客炊晚信樵  
兒設欲陳風俗周官未采詩福地能容壑玄關詎  
有扉靜思噴板字閒洗鐵筇衣鳥破涼煙下人衝  
暮雨歸故園秋草夢猶記綠微微水影沉魚器鄰  
聲動緯車燕輕梢墜葉蜂懶臥樵花說史詳諸倒  
論兵到百家明時如不用歸去種桑麻禹穴奇編  
缺雷平異境殘靜吟封錄檢歸興削帆竿白石堪

爲飯青蘿好作冠。幾時當斗柄同上步罡壇。強起披衣坐。徐行處暑天。上階來。鬪雀移樹去。驚蟬莫問鹽車駿。誰看醬瓿玄黃金。如可化相近。買雲泉。野入青蕪巷。陂侵白竹門。風高沙栗刺。沙淺露芹銀。迸鼠緣藤桁。飢烏立石盆。東吳雖不改。誰是武王孫。疎慵真。有素時。勢盡無能風月難。爲敵林泉幸未憎。酒材經夏闕。詩債待秋徵。祇有君同癖。閒來對曲肱。

張大純

（九日尋陸川皮襲美韻）

幽棲不讓鄴侯家。束帛曾宣玉殿麻。人世功名隨草露。林泉蹤跡付柴車。溪魚上水供垂釣。野鴨依欄臥落花。今日東籬尋舊句。誰探腹裏問才華。

徐脩矩宅脩矩恩王府參軍世守書萬卷皮日休嘗

就借書

皮日休

東莞爲著姓。奕代皆雋詰。強學取科第。名聲盡孤揭。自爲方州來。清操稱爾稟。列惟寫

墳籍多。必云清俸絕。宣毫利若風。刻紙光於月。札吏指欲脩。萬通排未闕。樓船若夏屋。欲載如垓塊。

轉徙入吳都縱橫礙門闥縹緲輕似霧細帙殷於  
血以此爲基構將斯用貽厥重於通侯印貴却全  
師節我愛彥卿道承家能介潔潮田五萬步草屋  
十數窠微宦不能去歸來坐如別保茲萬卷書守  
慎如羈繼念我曾苦心相逢無間別引之看秘寶  
任得窮披閱軸間翠鈿剝籤古紅牙折帙解帶芸  
香卷開和桂屑枕兼石鋒刃榻共松齋癖一臥寂  
無喧數編看盡微或攜歸扉宇或把穿林樾挈過  
太湖風抱宿支硎雪如斯未星紀悉得分毫未剪  
除幽僻數滌蕩玄微竄學海正狂波余頭向中顛  
聖人患不學垂戒尤爲切苟昧古與今何殊瘖共  
瞶昔之慕經史有以簡筆札何況記斯文借之不  
曾輟吾衣任穀縑吾食甘糠覈其逆苟可尤斯文  
那自伐何竹青堪殺何蒲重好截如能盈兼雨便  
足酬飢渴有此競苟榮聞之兼可噉東臯馬  
煙雨南嶺採薇蕨何以謝徐君公車不聞說彭亨  
**求**觀皮襲美借書事感賦風流儒雅擅當時搜盡  
蘭臺石室奇架上縹緲應共賞園中花月幾曾  
窺嘯歌自足輕千古攜取何須費一錢  
賢主嘉賓不易得後來誰復繼芳規

亦園在葑門內上塘太史尤艮翁歸田所葺四方諸君子至吳門者必過訪亦園主人故酬和之什最夥內有揖青亭水哉軒諸勝其自敘亦園十景竹枝詞後云姑蘇有十景猶之燕臺金陵瀟湘西湖各占勝地而言若吾廬在姑蘇一隅而所謂亦園者不過十畝之間一丘一壑奚翅泰山之於丘垤河海之於行潦哉今乃侈然以十景自名是適供大方之家胡盧絕倒而已雖然以莊生之齊物則鯢鵬之與尺鷃一也以佛氏之空相則須彌之與芥子一也以野人之闕觀則姑蘇之與小園亦一

也舉凡大塊所生四時所至百物所聚萬籟所出  
莫非造化自然之妙天下有之吾園無不有也則  
安知姑蘇非大亦園非小乎則安知姑蘇十景非  
多亦園十景非少乎匪惟有之且爲圖之又從而  
詩之旣以自娛并貽諸君子一笑焉有和我者則  
醉之以酒戊辰八月艮翁自識時年七十有一

尤侗

亦園十景竹枝詞南園春曉朝聞百舌喚遊春柳醉花眠總端人無數紅裙踏步去燒香

爲賽二郎神陳廟二草閣涼風八尺高臺四面空  
解衣繫磚快哉風待兒不用歌團扇自有封姨伴  
醉翁對溪秋月家住城南采菊溪月明夜夜小塘  
西清歌自不煩絲竹笑煞蘇堤關白堤寒村積雪  
千村萬樹白皚皚日未烘乾風舞迴忽聽兒童拍  
手笑草棚裝出後倪來綺陌黃花菜色驚看布地

黃春風習習更吹香東邊弊酒西邊唱三月田家  
作戲塲水亭菡萏水哉亭子俯清流六曲闌干坐  
兩頭蓮葉蓮花并蓮子只無美女采蓮舟平疇禾  
黍纔看栽秧又刈禾晴時勸把雨時簑枯樛盡說  
田家苦却喜悠揚打棗歌西山夕照西山爽氣朝  
來好及至斜陽晚更佳縹緲亭廬都一望不須竹  
杖與芒鞋層城烟火曉曉周遭繞九達萬家烟火  
樹參差已拚月夜譙樓鼓那禁霜天曉角吹滄浪  
古道千古滄浪水一涯平常小巷識蘇家蘇家驢  
尋君遺蹟南禪寺惟有鐘聲噪暮鴉揖青亭落成  
九日同諸子登高漫興四首吾歸五載後乃有此  
茅亭南畝方垂綠西山仍送青秋來寒水落客至  
暮雲停共取登高醉無爲羨獨醒一似畫齋中飭  
非牽岸上舟開窓迎白鳥俯檻對清流一幅采蓮  
賦千聲布穀謳只須打雨漿便可泛滄洲二婢舫  
滋已屆重陽節黃花勒未開幸無風雨妬賴有碧  
山陪狂客持螯去英雄戲馬來古今同寂寞雍瑟  
不須哀三憶昔先君子登臨北峴山九原長繫戀  
十載重追攀散戍兵戈定歸田桑柘閑菟裘吾欲  
老恰好著癡頑四就好健此停輕三年而復水

哉軒卽事四首萬感茫茫處臨淵歎水哉古今同  
稿壤天地獨荒臺遺興移花藥驅愁借酒杯署門

謹謝客惟許野鷗來一閑居成小築吾意亦悠然  
蛙吹菱塘夜鶯啼梅雨天石橋行藥去竹榻枕書

眠多少名園記空留花鳥傳二吾不如老圃君其  
問水濱前溪采蓮曲小徑杖藜人白日陶潛夢西

風庾亮塵何當乞妙手簞笠畫垂綸三更欲尋魚  
計綽無如秋水間不知濠上樂且就竹林閑睇髮

隨斜日搭願望遠山浮歸莊水哉軒次韻之子投  
雲千萬里只有鳥飛還稽早田園信樂哉居

惟營木樹夢不到金臺雄筆凌雲賦奇黃周星莊  
懷問月杯門庭無雜客幾度杖藜來

曾教我材與不材問馬走終年苦魚游盡日閒琴  
書非捷徑袍笏亦淡山應有求羊侶誰能絕往還

施閨章盛年名早達豈合老江濱聖主嗟才子浮  
生託醉人在於流水曲懶奉屬車塵誰念

羊裘客愁毛牲東城環隴畔北柴傍湖濱金谷園  
來罷釣綸中酒藍田莊上人雲淡常帶雨日

隙不流塵處處蓮宋曹一池林影白松栢總髮然  
塘滿何從下釣綸隱躍魚龍夜蒼涼雁驚天

高城吹笛散飛閣抱雲眠  
俯仰應無愧名軒自可專  
**余懷**遂初堂在否亭子

日江山老恨人何年開綠野此地隔紅  
塵家有礬溪叟朝朝垂釣輪  
**吳綺**憶從

日君曾識怪哉如何元幹梅早上千陵臺湖海  
留詩卷江山入酒杯卜鄰吾有意開徑或能來  
**陳**

**青**樓臺日永書盈案花開酒滿杯期君同簡率得  
作榭全臨水洋洋洵美哉怡宜環竹樹無用起

暇好  
**陸壽名**沼苑吳中盛斯園近自然大都風月  
頻來地只有水雲天玩物觀魚樂忘機狎

鳥眠孟公今好  
**張季琪**濯纓終有地心在五湖間  
客投轄夜來傳坐此一亭木蕭然萬象閒

鳥啼清晝樹人見夕陽山  
**彭行先**籍籍名方遠脫  
真欲同漁父花源得往還樊何矯然人尋

池上竹魚樂鏡中天停樹王維興接  
書杜老眠閒情多賦咏點筆仰馳傳  
**歸允肅**架木

立遙疑是澗濱清風徐拂座明月欲窺人宛爾  
山林逸都無市井塵烟波同浩渺我亦夢垂綸  
**陳**

**騶**抽簪嗟壯歲結隱古河濱丹地談經客青山種  
樹人更憐佳子弟不涉世風塵臨水樽常在閒

來乞半綸**及丹生**滄浪亭一曲間在五湖濱白社逃禪

無塵向晚添幽興呼童理釣綸**蔣德垓**名淨維摩詰詩窮孟浩然

梨雪春將老松風我欲眠素心原寡和韻事任流傳**徐晟**亂竹千竿外疎林

齒猿鶴自清閒劍舞雖雄夜花開大小山高陽能結客爛醉後忘還**宋實穎**幽去秋

來輒惘然雲垂綠線柳波漾碧藍天白石扶携坐紅橋欄醉眠對溪車馬客蔣徑一時傳**陸志**

**熙**樓臺賓客淵雲筆招尋稽阮杯名山須不世豈

獨賦**吳藹**慢卷明城堞筵開照水濱雨溪魚漾子

歸來看今豪氣在**曹基**勝地無逾此名園有是哉蕭疎

容易草投綸影閒情付酒杯嘯歌**曹林**幽栖誠暇豫託興竹林

殊自適俗客不須來日閒敲棋驚睡鶴把酒望秋山不覺忘身世浮雲自往還

拙政園故大弘寺基也其地林木絕勝有王御史者  
侵以廣其宮後歸徐氏最久兵興爲鎮將所據已  
而海昌陳相國得之內有寶珠山茶三四株交柯  
合理花時鉅麗鮮妍紛披照矚爲江南所僅見

吳偉業

咏拙政園山茶花拙政園內山茶花一株  
雨株枝交加艷如天孫織雲錦頰如姣女

燒丹砂吐如珊瑚綴火齊映如蟬蛸凌朝霞百年  
前足空王宅寶珠色相生光華長養端資鬼神力  
優曇湧現西流沙歌臺舞榭從何起當日豪家擅  
閭里苦奪精藍爲翫花旋拋先業隨流水兒郎縱  
博賭名園一櫛留傳猶在耳後人脩築改池臺石  
梁路轉蒼苔履曲檻奇花拂面樓樓上朱顏嬌莫  
比十條絳蠟照鈴華十丈紅牆飾羅綺鬪盡風流  
富管絃更誰瞥眼閒桃李齊女門邊戰鼓聲入門  
便作將軍壘荆棘從填馬矢高斧斤勿剪鶯簧喜  
近年此地歸相公相公勞苦承明宮真宰陽和暗

迴幹長安日日披薰風花留金谷遲難落花到朱  
門分外紅獨有君恩歸未得百花深鎖月明中灌  
花老人向前說園中昨夜零霜雪黃沙浙浙動人  
愁碧樹垂垂爲誰發可憐塞上燕支山染花不就  
花枝殷江城作花顏色好杜鵑啼血何斑斑花開  
連理古來少並蒂同心不相保名花珍異惜如珠  
滿地飄殘胡不掃楊柳絲絲二月天玉門關外無  
芳草縱費東君着意吹忍經摧折春光老看花不  
語淚沾衣惆悵花間燕子飛折取  
一枝還供佛征人消息幾時歸  
顧汧水灣環春  
到遊人互往還一帶粉垣遮絕澗四圍奇石似深  
山綺羅叢裏花香合絃管聲中鳥語繁知是昔賢  
歌咏地風流  
沈朝初煙鎖城隅路名園花鳥繁繡  
今日許追攀  
衣曾駐憶黃閣舊開樽怪蔓  
蟠雲古喬柯翳日昏盛  
王輅柳絲嬾嬾映樓臺隔  
我經幾幾變薄醉與誰論  
水參差林岫迴坐久  
凭闌花正落夜深吹笛月初來  
又傍巖跨澗架迴  
廊綠樹紅樓面面藏不是桃花勾引甚如何仙境  
有漁  
張霖山茶花下按新歌歷歷鶯聲奈爾何  
郎聽徹天風海濤句十分重碧瀉紅螺

陸墓去齊門外六里許相傳唐陸宣公葬此故名墓

在下塘極北

向有塔院太宰吳一鵬塑像焉後爲僧鬻工部張問之來吳追復之重修

題其堂曰仰賢今廢順治戊子秋余與金俊明孝章楊補無補方夏南明倡南字韻詩於陸塘寓齋遠近和者幾及二百人

錢謙益

陸宣公墓道行延英重門晝不開白麻黃閣飛塵埃中條山人叫閭哭金吾老將聲

如雷蘇州宰相忠州死天道寧論乃如此千年遺機歸不歸兩地孤墳竟誰是人言薨葬留忠州又云徵還返故丘圖經聚訟故老關爭此朽骨如天珠齊女門前六里路薈麥茫茫少封樹下馬猶尋董相陵飛鳧孰辨孫王墓青草黃茅萬死鄉蠅頭細字寫巾箱起草尙傳哀痛詔閉門自驗活人方未貞求舊空黃土元祐青編照千古人生忠佞看到頭至竟延齡在何許君不見華山山下草如熏石闕豐碑野火焚樵夫踞坐

楊炤

陸墓望齊門外行人唾傳是崖州丁相墳路陸贊有高墳

見說衣冠葬難尋碑碣文荒祠無敗壁古木失千雲魂魄猶依此空煩托使君墓誌碑年公曾託地不果又嘉隆年住此江秋淑自清祖父骨埋茲反葬有遺命缺缺敘遺勒銘無愧辭族大察謝醮醮賦賦一鄉安宅里百世奉家丁觀旂九日同楊潛祠故國宗風厚孫曾其念之有客共登臺令節尋因拜陸宣公墓不須嗟獨酌有客共登臺令節尋奠菊孤墳沒草萊悲秋無限意千古有餘哀朽骨猶爭重延張大純相業寸心灰投荒萬死路齡安在哉

祇園在白蓮寺北里許

相傳為紅蓮寺址

後更為園居易姓

不一康熙戊午金閫陳

室鄭氏法名上果

刻旂檀聖像購

斯園供奉請童碩宏禪師主之

時正管大殿遇荒停工及童禪師退

靈巖席來此得竣其業師勒有碑建祇園大殿碑記

釋本宏

吳國蓮華寺為園已寂寥開殘幾片石錯落數間寮鑿岸通池水接人設板橋暫來

投破笠物外得逍遙又一從謀野處漸喜遠塵忙  
身老宜閒散情空合混茫高梧蔭井冷小雨歇荷  
香飲啄外無事  
**楊炤**祇園童和尚分惠洞庭蓴菜  
石旁坐日長  
老五湖未嘗識蓴菜少讀張翰傳早已留意內如  
何鬚眉白洞庭阻汪濊陸二擅濟勝策杖登臨再  
蓴羹宜久嘗況乃宿世愛陡間小祇園此物適見  
貴投袂過草堂請得一聆睇呼兒急進羹肥滑箸  
不耐兩盞頓時盡故作貪饕態猗嗟其味美羊酪  
豈流輩難蹤及麻姑庶或可作配吳儂習腥羶此  
物竟茫昧垂老食指動因緣固有在恨不僱長年  
時弄輕舟載童公持金杵衆生大春確不遺門外  
漢有心示玄謗貽此作醞酬灌頂  
**徐樹**丁卯宿祇園賦贈童  
和尙爲愛開園勝支公作退居溪通池水活門入  
還橋虛繫艇窓前樹揮毫石上書安能常到此相

對話  
熊漁

平田禪院舊名放生池在祇園東北順治初僧古心

蘇州募織造周工部天成創為藥樹放生池旋請

靈巖繼和尚說法於此易今名委法嗣麟乳禪師

主持續建大悲殿繼和尚法偈云陸塘烟火萬家稠耕稼陶漁事事周東舍西隣

朝夕見他人舉手我低頭只這是莫他求佛祖無過老實休野色喜無山隔斷何須更上一層樓又

大悲殿壁砌文衡山赤壁賦真行千字文石刻

張大純過平田禪院觀荷山先生石刻衡山字字有波瀾石碣應從壁上觀為語龍蛇莫漫

去放生池內海天寬

白蓮寺在齊門外六里陸墓鎮吳赤烏十年僧了然

建後燬僧法雲一作榮重建明洪武三年僧證果法

圓重脩弘治間圯有善福道瓊者更加建葺吳寬

有記

內有宋朝卧佛各筆其軸尚存

順治十三年寺僧鏡月一葦

志作一微募

一音重建大殿康熙廿六年

七月十一日大風雨山門

倒子因

秉戒靈巖領職祇圓受童和尚記

募建山門及天王殿鑄

大鐘

一音慧傳協募

吳寬

煥然華構已增修檀越金多手自投想見望齊門北去繞簷松竹帶清流

徐崧

白蓮

寺山門為風雨所倒口占名藍盡說赤烏年為募廬山號白蓮最是山門開出入怪他風雨不相憐

華嚴庵在白蓮寺東北里許古巷

巷今廢為田野自有庵來居者僧巫

雜繼常作申明亭嘉靖二十年圯僅存者僧圓明守之萬曆初僧如宗

來自南京

天界寺鼎建殿宇像設畢備勒有禮部侍郎韓世能

隆慶戊辰碑記後復廢康熙癸丑延澹庵昱禪師駐錫

乙丑歲擴地重建

楊炤

贈澹公澹公真澹然窮年不輕出不出元不

得亦一飽相爭如蚌蟪何如澹公安閑閑對經帙  
翠竹近千竿疎風自蕭瑟前日梅花開思我來靜  
室問公何念我公言愛真率居士大撫掌道俗心  
腸一如人敬信公公豈有奇術又期我明月夜來  
此作信宿此興正不淺恰得吾心曲吾既不喜睡  
公亦暫闔日四更起煮茶風露滿溪竹五更聽梵  
唄清音儼幽谷公言朝課誦必須日未旭若迨  
天既曙鐘磬聲亦俗聞言急下拜不啻公翹足

烏鵲橋在縣治東古有烏鵲館故名唐白居易有烏

鵲橋紅帶夕陽之句

楊備

月滿星移水照天南飛烏鵲影翩翩高啓

雖然上屬牽牛分不爲牽牛織女填烏鵲

南飛月自明恨通銀漢水盈盈夜  
來橋上吳娃過只道天邊織女行

北禪講寺在齊門內晉戴顓宅也唐司勳陸郎中居

此後以爲寺稱北禪院唐名乾元

吳郡志云乾元寺唐有之今不

知所在然顓元以乾元寺爲晉戴逵宅而皮陸集又以北禪爲戴顓宅據此則今北禪卽古乾元寺

也宋祥符初賜名大慈元祐間法智三葉孫楚公

主教席頗著靈異宣和末始卽寺西偏爲禪觀之

所無量壽院建炎燬淡公嗣爲法主發願起廢皇

慶初天泉澤公命其徒德普興葺得陸應祥夫婦

捐資重修

應祥字君雅曾在俗時常父事之有黃潛北禪寺觀堂記

明洪武中

重建景泰六年重修佛殿

卓禮有碑記

崇禎間天童密

老人憇錫

時出天童養病於此值誕日衆請上堂有法語勒碣砌壁

十四年三

峰漢禪師結制

時文文肅公護持

十七年三昧律師說戒

刻有北禪同戒錄

衆姓重建大殿寺舊有觀堂大通閣

松撰碑記并書

雨華堂

天泉說

禁蛙池

淨梵止觀以殊照蛙使之不鳴

皮日休

遊北禪寺連延花蔓映風廊岸幘披襟到竹房居士卽今開梵處先生曾是草玄堂

清尊林下看香印遠岫窓中掛鉢囊今日有情消未得欲將名理問恩光

陸龜蒙

寒夜同皮

日休訪寂上人月懷風殿淨沉沉披拂霜花訪道林鳥在寒枝棲影動人依古堞坐禪溪明時尚阻

青雲步半夜猶追白石吟自是海邊鷗伴侶不勞金偈更降心

釋來復

寄北禪佈講主洪武

初應高僧召雲霞剪作佛袈裟草座長年靜結跏禮罷六時天送供講來三藏雨添花象龍曾赴高

僧會羊鹿誰乘稚子車隨處溪山可埋老不愁無地布金沙

釋德祥

送北禪講師秦淮一

相見雲鶴兩閒身共愛青蘿寺俱爲白髮人楚江花後別吳苑雨中春今日因師去萼鄉夢又新

寶光寺初在婁門內漢陸績捨宅建有鬱林石

今移置察

院前

吳赤烏間賜額宋紹興間僧蘊仁元至正間僧

紹隆先後重建洪武中開拓郡城卽寺爲軍營遂

廢其後普熏庵僧善識捨本庵地改建今跨塘橋

西賢首湛源圓居此永樂初楚蘭馨繼之九年大

楨大衍重修

楚蘭在京請學士曾蔡爲記

康熙甲辰唯一道人

通瑞重修

楊循吉蕪州府纂修志畧云公家婁門之內臨頓里之北石留民家埋沒土中

僅露其背弘治丙辰御史胙城樊君祉按吳中命知府縣令督役夫曳置察縣之側作亭覆之名曰

廉石吳

寬有記

張大純

鬱林石陸績家吳郡廉名誦不休鬱林歸過海巨石壓輕舟歲久埋墻下官清徙道

周竿旌多過此  
欲使効前修  
吳林廉石行君不見鬱林太守史  
歸吳恐顛覆載將巨石知其廉公居城東臨頓里  
清名至今在人耳石留民家歲久湮過者猶能識  
其址誰使此石出泥中緇衣御史推樊公表揚先  
哲急移取役夫曳立官牙碑東建亭鐫字示臣  
節觀者如蟻足不絕口碑傳誦非徒然志士摩挲  
心獨折嗚呼聞說南中有貪泉較之此石誠天淵  
試令墨吏坐其下能不顏顏便首思其愆

勝感寺

今名接待寺

在婁門外宋嘉定間淨梵法主卓錫

之地永樂中善世溥洽

號南洲

重開山後明義頓

字有

中及淨滋

字道芳

相繼修之

正統初遭回祿張益作募疏劉宗文捐助有義

頓及淨滋  
兩碑尚在

今康熙初郡戊戌進士蔣德峻損資重

建

姚廣孝

玄音堂道本靜中心秋潭皎月沉無言得  
真趣何用覓玄音含暉樓樓高逼層雲遙

瞰東湖境香斷客不來斜陽半簾影挹清閣虛閣  
快遶漪祥龕隔蕙帷夜寒淡雪裏正是把清時止

息齋悟得西來意高齋閉止息欲語衆人知流雲  
去無跡雲淡處露靄復冥冥晨昏不斷生欲尋支

遁宅須待有鐘聲一掬軒蕉葉度窓陰池春綠漲  
淡誰將一掬水大地作甘霖松花室翠雲壓真松

涼影涵花埭畫靜鳥聲幽風窓墜晴雪聽聞室誰  
讀貝多文疎簾捲夕曛臨來無得說江上冷秋雲

徐崧

戊午三月三日同俞無殊散步西園因傷潘  
江如梅杓司至晚過婁門接待又傷蔣錫庵

作春暖天青日氣紅偶遊精舍至城東飄搖孰信  
幅非動淡泊多言色是空花蘂慣含初夜雨柳條

偏惹一溪風故人踪跡今何處多少消歸淨域中  
戊午夏過接待有感寺名猶不改底事客單空破

衲懸枝上殘碑臥草中水流城影動天  
暑月光紅寥落何人住悲心憶蔣公釋慧隆

戊辰

孟夏進勝感方丈懷蔣公遜護法作巍然古刹啓  
通津爲感重修憶故人黃甲蚤登才子貴白蓮先

種覺花新一生敬信惟依佛頻歲飢荒在  
張大純  
抹氏何但赤心存勝感知君處處施淡仁  
賦贈接待待雪平禪師善世開山處蕭蕭  
雲秋水遠黃葉寺門淡張疏碑猶在姚詩  
志可吟  
不須愁冷淡  
於此暢玄音

永寧庵在婁門外永寧橋南康熙間僧隱巖募建

徐崧

戊午夏同戴耘野潘次畊過宿賦永寧橋畔  
路惠遠志無窮爲惜叢林興來與土木功亂

鴉歸暮雨雙燕語東風不獨安雲水高眠我輩同

五月十日同耘野次畊佩玉宿永寧庵去住寧能

定還家任此身花谿城尚隔竹院話方新偶爾同

禪客開耘誰先識主人扁舟投宿夜風雨未迷津

十一日永寧庵俟次畊歸舟不至同耘野作靜坐

俱無事精籃倚碧虛梁泥宣紫燕池草啞青魚小

雨晨齋後斜陽午夢餘歸戴笠同麗庵次畊問津

心如未起天地一蘧廬

逢僧南郭外殊似舊相親冒雨過婁水歸舟濕角

巾喜安居士榻吟共故鄉人自是雲淡處何須更

問津

慈泰寺

亦稱王路

明萬曆初僧心光建賜額

并賜藏經管志道記康

熙間僧德濟重修

金之俊記二十二年茶商寓寺夫火經閣燬

吳璟

丁己暮春同耀庵子蕃野步過慈泰寺歸飲華昭齋中作雨後郊行好山光漾綠波邀朋

來水寺置酒傍烟蘿坐惜春將盡還驚日又過吾儕高興在秉燭夜如何

磧砂

費氏洲名

寺延聖院

舊額移此

在陳湖北宋乾道間僧寂

堂建

有大藏經板實祐間火咸淳間復建釋圓至記

明永樂間智端重修

吳寬

過磧砂寺日斜關上過野寺餘登臨老樹風聲合頽垣雨跡深蛟龍潛近浦鳥雀避叢林

不見筠溪叟

沈周

雙幢落日倚漁汀北下孤舟此暫停野客偶驚雲外犬老僧隨

掩石邊經沙洲古樹藤蘿紫寶殿遺基薺麥青今夜試留湖上枕疎鐘高浪不堪聽

湧泉庵在虎丘後過新塘橋西北半里本承天寺退

居別業初建時勑潭化灰而泉湧因鑿爲池故名

內有月滿樓

池在樓前

清足堂翠竹軒先是青印法天

鼓震兩禪師俱憇錫於此康熙庚申崇明令朱公

購以供蜀夔州山暉浣禪師

三公俱浮老人法嗣

山公歿卽

於庵西北建塔其徒先民繫庵元樸仍居焉

徐崧

題湧泉庵呈青印禪師砌石山根似停泓水一方遊魚穿樹影落葉點天光岸盡烟籠壁

池淡月映廊倚闌塵世隔不覺沁清涼

張大純

卽此閒庭內無非芳樹林高僧纔可住遊

女不容尋石草垂書帶松風度梵音我來殊曠爽幽映發清吟

朱埴

偕李曾志過湧泉庵僻徑

探幽入階除翠幾重臨池百花裏登閣萬山中亂葉繁霜國寒流響夜春長過不厭數來往自乘風

天宮寺在城東北隅初名武平剎自晉末後廢爲民

居唐景福五年光祿大夫許白捨宅僧了然一作淡然

建改今名明永樂丙戌僧嗣順重修正統間弘演

禪師發地得鐵像二因剎說法堂卽藥師殿景泰辛未

建大殿弘治間天王殿圯僧宗潤修建萬曆十四

年僧通泉從萬壽移居修殿裝像康熙七年天王

殿又圯九年僧宗如重建寺僧以戒律詩文著名者爲聽源月江印宗水

知慧川萬峰玄若歸繼登有七高僧傳

陸容留天宮寺開遊幾日住天宮窘步西齋雨又風睡起床頭書帙亂興來牆角酒瓶空漠漠

野色迎寒碧狼籍春痕弔落紅別後只應如杜老袈裟棋局念旻公再至和前韻此度停橈入梵宮

橋花香裏坐薰風閒心頗為江山奪實理原非夢

幻空雲隱小窓禪榻靜日斜溪殿佛燈紅留題欲

和鴻泥句誰復

才情似長公

色金精溢散却寒芒玉氣浮萬頃不波天在水一

塵無染鏡涵秋道人悟取原來性滿目風烟一釣

舟

僧萬峰

庭除相伴先生讀梵書帝網山河羅淨

几毘盧樓閣在齋居月懸道樹明諸地風泉雲

幢舞太虛閱編善財參歷處落花啼鳥總真如

玄若

溪行即事自得孤雲意遂為溪上行間看飛

沙鷗相顧起

張大純

善財房題善財此子知何代

應笑獨遊情

閣接天春白足蓮華湧青衫貝

葉新不知緣底事見爾最情親

徐崧

甲子新正同

南過天宮寺善財房訪聖齊上人因讀蒼舒元旦

詩誰挈良朋茂苑東果然清淨似天宮連珠燈是

長圓月繡錦幡垂不動風室護叢蘭無凍色龕道

塑像有神通相逢愛誦年豐句雙轡偏輪鶴髮翁

金幢庵在南倉橋東北順治己丑印持聞法師購建

崇禎中爲許方伯石虹園內有三層樓及池臺花木或言是七塔寺外院廢址印公與法弟湛門分購居之印持名溥聞吳縣人出家西禪寺傳衣於中峰蒼大師

釋讀徹

年卜得幽居愛地偏支遁開山前代事許

詢捨宅再來緣樓高雙塔三天外城俯長洲萬戶懸豈似銅駝荆棘裏不羊滿地牧雲眠

徐松

印公演喻仰於金幢庵誰識金幢路開

密藏啼鳥庭溪積落花瑜伽當暑夜甘露酒天涯

雨阻金幢庵一從辭裏別袁安便宿招提路不乾

桃色似分春氣早鴨啼偏帶雨聲寒山中花落移

吟社池上雲橫隔講壇縱有高樓堪極目臨風無

柰客衣單又霏微曉雪冷難勝滴瀝春霖出未能

泥滑驛亭嘶馬路水沉沙渚釣魚簪虛堂靜坐同

諸佛短榻孤眠伴一燈爲約故人天色霽賦詩樓

上最高層宿金幢庵華閣臨間巷祇園戶未扇霞

飛雲漸白燈靜火偏青月去庭陰草烟  
籠樹杪星倦來先就枕童子誦金經

金井庵舊為銘心庵在齊門內亭字四圖元至元四年建

後廢尚遺三普同井明嘉靖癸卯僧祖曉即馬道人法

志道人重建因井發金光易今名內有白業堂馮時

可撰碑記康熙間巨源林老人法孫栗庵具禪師法嗣二禪師相

繼懋錫癸亥夏祖曉後裔完玉道中師徒復住

釋濟乘徐臞庵居士雨阻金井庵同賦別後三年

裏落盡芙蓉菊未芳又幾問破屋逐溪開半是殘

花半蘚苔風雨縱橫留客坐不妨高詠共徘徊

徐崧丙辰秋雨阻金井庵同栗庵禪師賦昔傳金  
立蒲庭黃葉豆花香又本訂吳山作勝遊誰知此  
地却淹留大潮串月都曾見一任淙淙雨未休

獅子林在城東北隅元至正二年壬午天如則禪師

倡道之地

至正十四年甲午歐陽玄獅子林菩提正宗記云地本前代貴家別業師門人

爲其師購建者也有竹萬竿竹外多怪石有狀如  
後貌者且師得法普應國師中峰本公中峰倡道  
天目獅子巖故識獅子以見不忘其所自因地隆  
阜者曰山山有石蠡起者曰峰曰含暉曰吐月曰  
立玉曰昂霄其中最高類後貌者曰獅子峰其磨  
有文以識立玉峰前有舊屋遺墟客石磴可坐六  
七人卽其地作樓鳳亭昂霄峰前因地窪下濬爲  
澗作石梁跨之曰小飛虹他石或跛或蹲狀類後  
貌者不一故曰林也寺前後左右竹與石居地之  
半然而崇佛止僧延賓香積祠舍館厨悉脩安禪  
之室曰臥雲傳法之堂曰立雪舊有栢曰騰蛟今  
曰指栢軒有梅曰臥龍今日問梅閣竹間結茅曰  
禪窩卽方丈也上月七佛下施禪座間列入鏡光  
相互揖外門扁曰菩提蘭若師姓譚氏吉之永新  
人遁跡松江之九峰間十有二年道價日振帝師  
與以佛心普濟文惠大辨禪師之號兼與金闕僧

伽梨衣有楞嚴會解語錄  
別錄剩語若干卷行於世

十二年賜額菩提正宗

寺倪高士瓚曾過之愛其景爲之繪圖兼有詩至  
明嘉靖間廢復爲貴家所得萬曆二十年僧明賍  
具奏追復一隅敕賜聖恩寺額藏經全部重建普  
光明殿順治八年住持海翔甬東居士陳大賢領  
衆重修建藏經閣

釋維則

卽景詩四首半簷落日曬寒衣一鉢香羹  
野蕨肥春雨春烟二三子水西原上種松

歸

又道人肩水灌畦蔬托鉢船歸粟有餘飽飯禪

和無

一事遠池分食餽遊魚又臥雲室冷壓魔醒

殘漏

聲聲促五更一夢又如過一世東方日出是

來生

又電兒溪夜誦蓮花月度塔西檜影斜經罷

曉鐘

聲忽動汲倪瓚過獅子林蘭若密竹鳥啼遠

泉自

試雨前茶清池雲影閒茗雪爐烟裊松

雨石苔斑心靜境恒寂何必月  
陳則過獅林精舍

在山窮途有行旅日暮不知還  
清境超塵俗

松龕映竹開魚驚幡影散鳥聽鉢聲來梵像敷  
蓮座禪宗問木杯山僧不慮世白髮也毵毵  
高

啓過獅子林雨餘鳥語涼斜陽竹溪見頻來非看  
花借讀高僧傳師子林十二咏風生百獸低欲

吼空山夜疑是天目巖飛來此山下  
晴暉江山秋歛霏我吟康樂句日暮澹忘歸

四更棲鳥驚山白初吐月起開東閣看正在雲峰  
缺月堂前參未退立到雪深時一夜山中冷無

人祇自知雪夕臥白雲冷朝起白雲開惟有心  
長在不隨雲去來飄雲問春何處來春來在何許

月墮花不言幽禽自相語  
忘言客人來問不應笑指庭前栢韞栢一鏡寒光

定微風吹不波更除荷菱影放取月明多  
梵夏生冰光涵數星冷牕有定中僧休牽轆轤綆

冰壺翠羽落經床林鳩午鳴後笋出恐人來編籬  
遮谷口縹竹初看臥波影應恐雨崇朝過澗尋師

去端如度石橋蛭飛渾沌復輪囷全無  
斧鑿紋門臨五湖水坐納四山雲  
徐賁林竹

下偶詠客來竹林下時聞澗中琴經房在幽  
竹庭戶皆春陰孤吟遂忘返烟景生逾淡  
王彛

竹谷幾曲轉逶迤月明人跡稀長林秋露落一犬

吠山扉臥雲室秋潭看月還片雨千山暝獨有鉢

中龍蜿蜒作僧定指相軒行道出溪樹空庭秋展

然風來人不見青子落僧前問梅閣窓間月色微

薄雪自風吹誰得春謝徽禪高陰壑寒猶闕空山

消息南枝定北枝謝徽響已沉白雲無路入禪

向定中淡臥雲室朝臥白雲東暮臥白雲西白雲

長共我此地結幽棲雲林竹風葉響秋林烟梢帶

夕陰美人離思姚廣孝無地堪逃俗乘昏復到林

遠湘水夜來淡姚廣孝半山雲過磬溪竹雨留禽

觀水通禪意聞香去染心張大純過獅林寺有感

叩門驚有客想亦爲幽尋張大純當日天如至師

峰石最尊禪高穿月窟法座駐雲根莫怪飛

虹小如何玉鑑昏殘僧隨廢圯依舊作隣園朱埧

過師林寺與蔡瞻岷飲樹下宅邊古寺路偏幽爲

訪伊人取次遊青帶遠林新雨潤綠浮芳草晚烟

收遂迤西舍清寒月徙倚東臯寂莫秋

携酌相尋來往近閑中時上碧峰頭

佛慧菴在虎丘東隔岸宋紹興間僧無善建中有鍾

秀軒

梁用行記

朱隗

初秋佛慧河亭懷家弟望子半塘寺新涼陰草樹凭望自多愁雨寺孤吟隔千林一葉秋

晚烟分粥磬細雨隔泥舟

張澤

同衍波聽雲虎丘後溪泛舟因過佛

慧菴細雨終殘日聲過落雁初柳長門未暗梅散

棹能疎斜港鄰分火寒村晚借蔬沿洞愁易盡燈

火及林廬與雲子衍波庵中夜坐松古徑難眠悵

然山月光起行接鳥散雜坐野橋荒良友懷中事

寒林夢裏霜十年踪

徐松

癸亥春蛤庵和尚憩錫

跡異今夕可能量

舉揚迄今鐫記下文長

桂不待秋來已自香又塚樹園花夾路春虎丘鶴

澗隔溪鄰空堂一榻雖如舊

不見當年載酒人

元和山居在彩雲里西園之左明天順間道士袁德

良

為玄妙觀周鶴林之裔

築瑩於此中為堂三楹以供北帝

松篁鬱陰鐘簾森列隆慶初道士沈自仁暨丁然

璧張洞雲輩謂堂日圯鳩工新之

有曹魯川胤儒重修真武堂記

順治丙戌里人延崇壽觀道士王惟敬

名正修本郡人住

持重修真武壽亭二殿康熙戊辰復建玉帝寶閣

秦江

贈王惟敬鍊師斷隴平田樹一叢誰知依倚有神宮已飛北極波心劍應御南溟翼背風

小院鶴鳴春雨後孤村花落暮煙中

徐松

王鍊師建玉皇

王君信是寥陽史不讓還丹只葛洪

閣賦贈聞昔山居勝何人得似袁粉牆高竹徑金闕與雲根今古林中塔東西閣外園王喬能繼武

張霖

王鍊師重修元和山居并值七十大壽贈之勝地獨相招前身王子喬長

天門直欲振松橫翠靄高閣盡丹霄雲影池邊石林陰居畔喬羣仙何處至跨鶴更吹簫

補遺 曹爾堪

甲辰夏顧松交銓部雅園午集同周文夏侍御沈繹堂副使丁飛濤祠部二首網苦

憐今密園亭向午開玉堂交不淺紫塞客同來直道安三黜驚覓賦七哀暫依嘉樹蔭曲木漫生猜涼渚菰蒲合風廊菡萏輕竹分簣谷翠水割鏡湖清草傲難驅鯉攜壺且聽鶯餘生均足感握手不勝情舟宿滅渡橋幾度平江路孤舟似葉輕亂帆收別激病馬出寒城霸氣千年虎柔情二月鶯驚覓猶未定敢徐柯依國社集分賦妙嚴臺用坡公信是歸程海州石室韻吾歌妙嚴臺妙嚴臺在何處地近閭丘古坊路灌叢與草莽不行甍聽啼煙鷗嘯雨故老相傳土骨堆下有玉鳬金鴈時出光怪迷年數金粟山人亦好奇漸荒剗截來啓宇洞壑餘荷蓀蔓除一丘突兀知誰墓夾以怪石雜妍卉酌以茗汁兼椒醕謚以闔閭百尺之嘉名實以蕭梁萬乘之貴主影扶雲根勢最高琤聲勢鼎臨瓊戶畫賞宵升花月中硯匣隨身兩侍女搔首驚咏玄暉詩振衣狂作青海舞每登刻燭僊詞流別欲壘麴困酒伍疑君前身沈亞之雅能痛峭妙茹吐隱隱簫聞羸女吹泠泠瑟動湘靈鼓高

高下下勝絕吳暮暮朝朝雲似楚妙嚴臺妙嚴臺  
正悲歌起山家小兒攘臂時危涕洟瀾不得語太  
清元元陽九年爾來一千一百四十許乾坤慘黯  
幾銷沉何獨玉顏爲黃土吾思歌風隆準翁吾思  
凌歊寄奴祖那用薄心腸老公且憑君飲忘  
今古裂幃拾謁倘可期反裘垂竿未遲暮  
**惠周**  
**惕**東城水莊贈張日容紅橋綠樹接澄潭巷北君  
居我巷南月上疎簾邀共坐花明秋寺喚同探  
杯分竹葉三升酒梓餉園蔬一味甘  
**徐昂發**送張  
但使心期常不負鴛鴦鱗腐鼠總休談  
入都射策明光終賈年翩翩遠騎暮春天楊花千  
里杯中雪芳草三停雨後煙海內寄軀尋俊傑酒  
酣落筆擅山川君行若憶江南客瀉取松風石上  
絃次惠元龍韻贈日容策策西風葉滿潭安排下  
澤老江南十年皂帽人都棄九日黃花獨自探酒  
壘疎狂悲昔昨屠門大嚼笑肥甘季真死後風流  
絕我欲呼**張大受**次元龍見贈韻子雲寂寞老江  
卿聊一談  
邀我聽黃花  
如茶最覺甘  
怕礙當時牢閉口每來文字不妨談

韓炎

佳魯望宅幽居賦就興何如好傍城闌小結廬地接虎丘時蠟屐門臨鶴市滿巾車夾窓

雲度翻書澗曲水風來散髮疎更張涵文星閣文喜招尋皮從事日供杞菊笑相於風吳地盛

光耀動宸區傑構凌千仞高標映九衢象垂東壁麗名與北辰俱沐浴殷周化甄陶鄒魯儒陳書等

弘壁較藝獲隋珠遇合終非遠淵源定未殊學山同仰止藝苑共踟躕翹首情何極懷珍世所需

汪繼景

前題峻閣凌空起登臨實壯觀官將千載重雉堞萬家寬淑氣歸桃李長風送羽翰

文星照吳地遙在五雲端沈文標前題閣檻凌雲面面開何因突兀起層臺吳中千古傳文

學因有星光接上台汝周錄前題傑閣矗雲根城東此最尊烟明鱗萬瓦山暗胃千村鴉背

斜陽夕隴頭秋黍繁一吳廷和前題吳地多賢塵聲清磬外幽賞欲忘言茲地獨軒敞文峰

占離位卓立共瞻仰層構凌青霄登臨見壇爽學舍繞清渠疎花映林莽昔賢風流長來者亦堪獎

披文見理奧奇字互欣賞庶爲千載期憑高結遐想